

Պ. Համազումյան

ԹՈՆԴՐԱԿԵՑԻՆԵՐԻ ՇԱՐԺՄԱՆ ԷՊՈՒԱՆ ԵՎ ԳԱՂԱՓԱՐԱԽՈՍՈՒԹՅՈՒՆԸ

Դարերի ընթացքում կղերա-ֆեոդալական և բուրժուա-նացիոնալիստական պատմագրության ներկայացուցիչները, նենգափոխելով հայ ժողովրդի պատմությունը, ամրացնում էին այն միտքը, թե անցյալում հայ ժողովուրդը դասակարգերի և դասակարգային պայքարի մասին նույնիսկ հասկացողություն չի ունեցել, որ բոլոր ժամանակներում հայ ժողովուրդը հանդես է եկել միասնաբար և հայերն ունեցել են ազգային միասնական կուլտուրա, միասնական իդեոլոգիա:

Մինչդեռ հայ ժողովրդի պատմությունը հարուստ է սոցիալական ուժեղ բախումներով՝ աշխատավոր ժողովրդի պայքարի բազմաթիվ դրվագներով ընդդեմ տիրապետող դասակարգերի, Դասակարգային պայքարի այդպիսի շեշտված արտահայտություններից մեկն է թոնդրակեցիների նշանավոր շարժումը, որը մեծ տարածում էր գտել հատկապես 9—11-րդ դարերում:

Սույն հոդվածում մենք փորձել ենք բնութագրել այդ շարժման էպոխան և տալ թոնդրակեցիների գաղափարախոսությունը:

* * *

8-րդ դարում արաբ ոստիկանների՝ մեկը մյուսի հետևից կրկնվող ավերիչ ասպատակությունները, խալիֆայության հարկային խիստ քաղաքականությունը, ծայր աստիճան քայքայման էին հասցրել հայ աշխատավոր ժողովրդի տնտեսությունը: Ընթարկվելով թալանի ու կրկնակի շահագործման, հայ գյուղացին չէր կարողանում վճարել հարկի այն քանակությունը, որը պահանջվում էր արաբ նվաճողների և տեղական շահագործողների կողմից: Ժամանակակից պատմիչներից Ղևոնդը հետևյալ ձևով է նկարագրում արական զավթիչների հարկային քաղաքականությունը.

«Եւ առաքէ (Արդլայ) զեղբայր իւր՝ զմիւս Արդլա շրջել ընդ ամենայն աշխարհս իշխանութեանն իւրոյ: Որ նախ ելեալ յաշխարհս Հայոց՝ բազում վրշտօք եւ նեղութեամբք վտանգէր զամենեւին եւ հասուցանէր ի չքաւորութիւն տնանկութեան, մինչև պահանջել հարկս եւ ի մեռելոցն: Եւ զամենայն բազմութիւն որսոց և այրեաց շարալլուկ տառապեցուցանէր...: Խոշտանգէր եւ զբնակիչս աշխարհիս բռնագոյն և դառն հարկապահանջութեամբ, առնուլ ըստ ցլխոյ բազում զուղէս (դրամ) արծաթոյ, եւ դեռ կնիք կապարեայ յամենեցուն պարանոցս»¹

Ղևոնդի այս տեղեկություններից պարզ է դառնում, թե ինչպիսի բարբա-

¹ Գատութիւն Ղևոնդայ Մեծի վարդապետի Հայոց. Ս. Գեաթրուրդ, 1887 թ., էջ 137:

բոսական միջոցների էին դիմում արաբական նվաճողները հարկահանության ժամանակ:

Պետականությունից և ինքնուրույնությունից զրկված հայ ժողովրդի վիճակն ավելի է վատանում հետագա տարիներում:

«Ջսոյն ժամանակս,— ասում է պատմիչը,— ի հրամանատարութեան Նզիտի եւ յիշխանութեանն Արդլայի միւսոյ յոյժ ծանրացաւ անուր լծոյ հարկապահանջութեան ի վերայ աշխարհիս Հայոց. քանզի դժոխաձև ազահութիւն անհամբոյր թշնամւոյն ոչ շատացաւ ուտել զմարմինս ընտրելոց Քրիստոսի հօտիս և ըմպել զարիւն իբրեւ զջուր զարհամարհանս նոցա. այլ համօրեն զբոլորս երկիրս Հայոց արկանէր ընդ անհանդուրժելի վտարանդիւք, զի վախճանեաց զգիւտ արծաթոյ ի յերկրէս, եւ ամենայն ոք տալով զպաճարանս ընչից իւրեանց՝ ոչ գտանէին զգինս փրկանաց անձին իւրեանց, եւ չար կըտտանօք, գելարանօք եւ կախաղանօք եւ դառն տանջանօք կեղէին զկեանս մարդկան: Յորմէ փախստեայ եղեալ բազումք յայրս եւ ի փապարս երկրի զօղեալ թազչէին, եւ ոմանք ձինահեղձ եւ գետավէժ լինէին վասն անտանելի ալետիցն»¹

Միայն հայ պատմիչները չեն, որ վկայում են խալիֆայության կրնկի տակ հեծող ժողովրդի ծանր վիճակը: Այս շրջանի ծանր հարկահանության մասին շատ մանրամասն տեղեկություններ են հաղորդում նաև արաբական աղբյուրները:

Իբն Խալիդունի վկայությամբ, 8-րդ դարի վերջերում, Հայաստանն արաբական խալիֆայությանը տալիս էր 13 միլիոն դրախմա, չհաշված նատուրալ հարկեր²:

Արաբական մի այլ պատմիչ Բալաձորիի վկայությամբ հպատակ երկրներից պահանջում էին նաև սեւահեր, սևահոն, երկար արտևանունքներով և բարձրահասակ աղջիկներ ու պատանիներ»:

Հայաստանում կիրառվող հարկային այս բարբարոսական քաղաքականության հետ միասին, արաբական խալիֆայությունը ձգտում էր միաժամանակ ջարդել «էրմենիայի» քաղաքական և զինական կարողությունը: Որպես արդյունք խալիֆայության ներքին հակասությունների, Հայաստանը 9-րդ դարի երկրորդ կեսում տրոհվեց մի շարք մեծ ու փոքր՝ գլխավորապես արաբական իշխանությունների:

Ողջ «Արմենիայում» աստիճանաբար սկսեց գերակշռություն ստանալ արաբական իշխող տարրը: Երկրի կարևորագույն կենտրոններում՝ Դվինում, Կարինում, Խլաթում, Արճեշում, Բերկրիում և այլ վայրերում բնակություն են հաստատում արաբ էմիրներ, առևտրականներ և զինվորականներ, որոնք աստիճանաբար պայմանական հողատերերից վեր են ածվում ժառանգական հողատերերի, տեղի դառնալով լավագույն ու բերրի հողակտորների: Չկարողանալով տանել արաբ ոստիկանների, ինչպես նաև ինքնիշխան էմիրների հալածանքներն ու կամայականությունները, հայ մի շարք նախարարական տներ, թողնելով իրենց հայրենի երկիրը, կալվածներն ու ունեցվածքը, բռնում են

¹ Հենդ. պատմիչ. էջ 185:

² Я. Манавлян, «О торговле и городах Армении в связи с мировой торговлей древних времен», 1930 г., стр. 147.

թույլ դիմադրության ճանապարհը (Շապուհ և Համամ իշխաններ) ու հեռանում են դեպի Բյուզանդիա, իրենց հետ տանելով բնակիչների մի մասը:

Հայ քաղաքական կյանքում վաղուց արդեն դադարել էին որևէ դեր խաղալ Մամիկոնյան և Կամսարական նախարարական տները, նրանք՝ 772—775 թ. թ. ապստամբությունից հետո մեծ հարվածներ ստանալով խալիֆայության կողմից, այլևս չկարողացան ոտքի կանգնել:

Հայաստանի բախտն այդ ժամանակ տնօրինում էին արաբ ոստիկանները և մի քանի մանր էմիրություններ (կայսիկներ՝ Ապահոնյաց գավառում Մանազկերտ կենտրոնով, ութմանիկներ՝ Առքերանի գավառում Բերկրի կենտրոնով, Արծնում, Նփրկերտում և այլն):

Սակայն արաբ ոստիկանների և էմիրների կողքին, Հայաստանի քաղաքական կյանքում, որոշ դեր էին խաղում Բագրատունիները և Արծրունի ու Սյունի նախարարական տները: Նրանք տարբեր մեթոդներով ու ձևերով համառորեն պայքարում էին իրենց դիրքերի պահպանման ու ամրացման, ինչպես նաև քաղաքական ու տնտեսական նոր իրավունքների ձեռք բերման համար: Բագրատունիներն ամրացել էին Դարույնքում, Սպիրում: Օդոնազործելով արաբ էմիրների թուլությունը, նրանք կարողանում են աստիճանաբար իշխող դիրք ձեռք բերել հայ միջնաշխարհում և անգամ լայնացնել իրենց տիրապետության սահմանները հասցնելով այն Սպերից մինչև Տարոն, տեղ գտնալով միաժամանակ Արարատյան դաշտավայրին և Շիրակին: Վասպուրականի և Սյունիքի իշխանները սերտ համագործակցության մեջ են մտնում ազդեցիկ դիրք գրավող Բագրատունիների հետ և հետևում նույն քաղաքականությանը: Հայ նախարարական տների, առանձնապես Բագրատունիների տնտեսական ու քաղաքական հզորացմանը նպաստում էին արաբական տիրապետության դեմ ուղղված ժողովրդական ազատագրական շարժումները՝ խալիֆայի ռազմական ուժի քայքայումն ու կրած պարտությունները, ինչպես ներքին հակասությունները, որոնք առանձնապես լայն չափերի էին հասել 9-րդ դարի կեսերից:

Բուղայի դաժան ու ավերիչ արշավանքից հետո խալիֆայությունն ստիպված է լինում մեղմացնել իր քաղաքականությունը Արմենիայում, և նույնիսկ որոշ ինքնուրույնություն տալ Արմենիային՝ Աշոտ Բագրատունուն նշանակելով Հայաստանի կառավարիչ (856 թ.): 9-րդ դարի երկրորդ կեսին խալիֆայության սահմանների վրա նոր հարձակումներ է սկսում նրա արևելյան մրցակից Բյուզանդիան: Արտաքին ու ներքին ծանր կացության մեջ ընկած խալիֆ Մահմեդը, կատարելով հայ իշխանների ու նախարարների պահանջը, 885 թվականին ճանաչում է Աշոտ Բագրատունուն որպես Հայաստանի թագավոր, և Հիսե ոստիկանի միջոցով թագ է ուղարկում Աշոտին: Ելնելով Արևելքում իշխող դիրք գրավելու իր նպատակներից, Հայաստանի թագավորությունը ճանաչում է նաև Բյուզանդիան: Եվ այսպես, ավելի քան 400 տարվա համառ պայքարից հետո Հայաստանը կրկին թոթափում է օտար նվաճողների բռնապետական լուծը:

Հայ միջնաշխարհում հանձինս Բագրատունիների հաստատվում է թագա-

¹ Հիշատակության արժանի է Խուրամյան Բաբեկի ապստամբությունը (817—837 թ.) Արապատականում, և հայ ժողովրդական էպոսի նյութ դարձած սասունցիների ապստամբությունը (831 թ.) Հայաստանում:

վորական մի նոր դինաստիա, որը տևում է շուրջ հարյուր վաթսուն տարի, և որի տիրապետության շրջանում Հայաստանն ապրում է տնտեսական զարգացման նոր շրջան:

Բագրատունիների տիրապետության ժամանակաշրջանը հետաքրքիր է ոչ միայն իր տնտեսաձևով, այլև իր քաղաքական յուրահատկությամբ: Ավելի քան 160 տարիների ընթացքում, շնայած Բագրատունիների բոլոր ջանքերին, ողջ հայ ժողովուրդը չմիավորվեց մեկ միասնական պետության մեջ, այլ մնաց բաժանված մի շարք անջատ իշխանությունների ու էմիրությունների: Դեռ Բագրատունիների թագավորության տիրապետության առաջին տասնամյակներում, մենք տեսնում ենք իրենց ունեցվածքով ու քաղաքական դիրքով թագավորական տան հավասար այնպիսի նախարարական տներ, ինչպիսիք էին Արծրունիները, Սյունիները: Նրանք ոչ միայն մրցում, այլ հաճախ, օգտագործելով թագավորական տան թուլությունը, անջատվում էին նրանից և կազմում ինքնուրույն թագավորություններ: Այսպես, Սմբատ Ա-ի օրոք (908 թիվ) Գագիկ Ա. Արծրունին հիմք դրեց Արծրունիների թագավորությանը Վասպուրականում: Հետագա տարիներում ինքնուրույնության են հասնում և կիսանկախ իշխանություններ կազմում Վանանդի (Մուշեղ), Ձորագետի (Դուրգեն) և այլ շրջանների իշխանները:

Բագրատունիներից անկախ էին Հայաստանի տերիտորիայում դեռ խալիֆայության ժամանակներից հաստատված արաբական էմիրները, որոնք իրենց տիրապետության (Դվին, Մանազկերտ, Խլաթ, Արճեշ և այլն) շրջաններում, ինչպես ասացինք, պայմանական հողատերերից արդեն դարձել էին ժառանգական հողատերեր: Այդպիսով քաղաքական տեսակետից Հայաստանը Բագրատունիների շրջանում տիպիկ Ֆեոդալական երկիր էր, որտեղ գերիշխում էր մասնատվածությունն ու ցրվածությունը: Շիրակի Բագրատունիների աստիճանական թուլացմանը զուգընթաց խաթիլվում էին թագավորության ծայրամասերը միմյանց հետ զոդող կապերը: Խոշոր նախարարները գրեթե թագավորությունների էին վերափոխվում (Վասպուրական, Վանանդ), միմյանց դեմ էին դուրս գալիս նույնիսկ թագավորական տան անդամները (Հովհաննես, Սմբատ, Աշոտ) դաշնակցելով խոշոր նախարարների, արաբ էմիրների և անգամ բյուզանդացիների հետ:

Անշուշտ սխալ կլիներ կարծել, թե Բագրատունիներին իրենց տիրապետության ամբողջ ժամանակաշրջանում, չի հաջողվել սանձել երկրի կենտրոնախույս ուժերին և ենթարկել նրանց թագավորական իշխանությանը: Մեր պատմական աղբյուրներում պահպանվել են բավարար քանակությամբ վկայություններ, ըստ որոնց Բագրատունիները շատ համառ պայքար են մղել ինչպես օտար նվաճողների, այնպես էլ երկրի առանձին նախարարական տների դեմ ուժեղ կենտրոնաձիգ պետականության ստեղծման համար: Զպետք է անտեսել, որ եղել են այնպիսի շրջաններ, երբ ուժեղացել է Բագրատունիների գերիշխանությունը, մեծացել է Արծրունիների կախվածությունը Բագրատունիներից, Սյունիքի նախարարությունը ճանաչել է նրանց գերիշխանությունը, Տայքը և Վանանդը հնազանդություն են հայտնել նրանց, իսկ արաբական առանձին էմիրություններ նույնիսկ ստիպված են եղել հարկ վճարել Նիքիթի Բագրատունիներին:

Մենք չենք բացառում այն հանգամանքը, որ առանձին շրջաններում այդ

սյուզերեն իրավունքի ճանաչումը կրել է ձևական բնույթ, բայց և չենք կարող անտեսել, որ որոշ ժամանակաշրջաններում Բագրատունիներն իրոք մեծ ազդեցություն են ունեցել Հայաստանի բոլոր ծայրամասերի և կիսանկախ ձթագավորությունների վրա, հատկապես Սմբատ Ա., Աշոտ Գ., Սմբատ Բ. և Դագիկ Ա. թագավորների տիրապետության տարիներին: Անտարակուսելի է, որ Բագրատունյաց թագավորության հենց այդ ժամանակաշրջանում, չնայած ծանր շահագործման և արտաքին ու ներքին պատերազմների շմարված սպառնալիքներին, հայ ժողովուրդն ապրել է տնտեսական ու կուլտուրական կյանքի համեմատաբար բարենպաստ ու խաղաղ ժամանակամիջոցներ և կարողացել է կարճ ընդմիջումներով շունչ քաշել: Այդ կարճատև ժամանակաշրջանները բարերար ազդեցություն են ունեցել ներկրի տնտեսական ու կուլտուրական կյանքի զարգացման համար:

Բագրատունիների շրջանի տնտեսության ու կուլտուրայի զարգացման, քաղաքների և գյուղերի բարգավաճման մասին մենք բավական հարուստ տեղեկությունների ենք հանդիպում հայ և օտար պատմիչների աշխատություններում: 10—11-րդ դարերի պատմիչ Ստ. Տարոնեցու (Ասողիկ) վկայությամբ «Յաւուրս սորա (Սմբատայ) եւ յիշխանութեան հօր իւրոյ (Աշոտ Ա.) էր շինութիւն եւ խաղաղութիւն յաշխարհիս Հայոց... Սւ այսպէս ազարակաց աւանացեալ եւ աւանաց քաղաքացեալ բազմամարդութեամբ եւ ընչեղութեամբ, մինչև հովուաց եւ անդէորդաց մետաքսեայ զգենույ պատմուճան»¹

Ինչ խոսք, որ պատմիչը շատ վառ ու շափազանցած գույներով է նկարագրել ներկրի վիճակը 10-րդ դարասկզբին, անգամ հովիվներին հագցնելով մետաքսյա զգեստներ: Սակայն այստեղ կարևորը մետաքսյա շորերը չեն (այդ տեղեկությունը կարող է ունենալ իր նշանակությունը տվյալ ժամանակաշրջանի մետաքսագործության զարգացումը պարզելու համար), այլ այն, որ ապարկները ավան են դարձել և ավանները ընդարձակվելով, տարածվելով դարձել են քաղաքներ, մի վկայություն, որ հաստատվում է մի շարք այլ պատմական հավաստի աղբյուրների վկայությամբ, հնագիտական պեղումների հարուստ նյութերով և պարզ դարձնում մեզ համար տնտեսական այն վերելքը, որ ապրել է Հայաստանը 9—11-րդ դարերում:

Մեզ հասած պատմական աղբյուրներից պարզ երևում է, որ Բագրատունիների շրջանում ժողովրդի հիմնական զբաղմունքը դարձյալ մնում էր հողագործությունը, բայց այդ բնագավառում ևս նկատելի են աչքի ընկնող տեղաշարժեր: 9—11-րդ դարերում գյուղատնտեսությունը բավական առաջ էր անցել իր նորամուծություններով և մշակույթներով, ինչպես Արշակունիների, այնպես էլ հետագա շրջաններից: Հացահատիկային մշակույթի կողքին արդեն նկատելի են նոր կուլտուրաների՝ բամբակի, բրնձի, կտավատի, խաղողի և տեխնիկական այլ բույսերի լայն տարածումը, իրեն զգացնել է տալիս նաև շերամապահությունը: Մեծ չափերի է հասնում գութանի կիրառումը հողագործության մեջ, որը բավականաչափ նպաստում է բերքատվության բարձրացմանը: Երկրագործության հետ մեկտեղ զարգանում է նաև անասնապահությունը, առանձնապես՝ ոչխարաբուծությունը, որը հարուստ բազա էր ստեղծում բրդի մշակության համար:

¹ Ստեփանոսի Տարոնեցու, Ասողիկան «Պատմութիւն տիեզերական», Պետերբուրգ, 1888, էջ 161:

Ծրկրի տնտեսության այդ ճյուղերի զարգացման մասին տեղեկություններ է հաղորդում ժամանակի 9—10-րդ դարի պատմիչ Հովհ. կաթողիկոսը:

«Իսկ աշխարհիս Հայաստանեայց յաուրսն յայնոսիկ այց արարեալ Տեառն և պատսպարեալ եւ յաջողեալ ի ընդոք բարութիւնս՝ ընակեցան իւրաքանչիւրոք ի ժառանգութիւնս իւրեանց եւ սեպհականեալ զերկիր՝ տնկեցին այգիս եւ արմատացուցին բուրաստանս ձիթենեաց եւ պարտիզաց. հերկեցին հերկս արտաքոյ փշոց եւ կթեցին պտուղս հարիւրաւորս. զեղան շտեմարանք ցորենոյ ի ժամանակի լրութեան հնձոց. լցան գուրք դինւոյ ի կութս այգեստանեայց, եւ լերինք ցրնծութիւն զգեցան. զի բազմացան ի նմա արօտականք անդեայք արչառոց եւ հօտք ոշխարաց»¹

Գյուղատնտեսության հետ միասին իր զարգացումն է ապրում արհեստագործությունը: Բնորոշն այս շրջանում այն է, որ արհեստն անջատվում է գյուղատնտեսությունից ու դառնում է պատկառելի թվով մարդկանց համար հիմնական զբաղմունք: Ակադեմիկոս Մառի Անիում կատարած, ինչպես և հետագա հնագիտական պեղումներն ու ուսումնասիրությունները ցույց են տալիս, որ արհեստների շատ ճյուղեր հասել էին որոշ կատարելության և այդ ճյուղերի արտադրանքը դարձել էր ոչ միայն ներքին, այլև արտաքին շուկայի սպառման առարկա: Անիում հայտնաբերված մի շարք արհեստների թաղամասերը վկայում են այն մասին, որ այդ շրջանում արհեստների առանձին ճյուղեր տեղավորված են եղել քաղաքի առանձին փողոցներում (կոշկակարների փողոց, դարբինների փողոց, նալբանդնոց և այլն) և որ արհեստավորները կազմել են համքարություններ:

Հայ և օտար պատմիչների վկայություններից երևում է, որ Հայաստանում առանձնապես զարգացած է եղել մետաքսագործությունը, գորգագործությունը, ջուլհակությունը, արծաթագործությունը, պղնձագործությունը: Արաբական աղբյուրների վկայությամբ Բագրատունիների շրջանում արագ զարգացում է ապրել հատկապես մանածագործությունը: Դվինը հռչակված էր նուրբ գործվածքներով, որը հայտնի էր ՄԱՐՍԻ անունով և՛ ներքին, և՛ արտաքին շուկայում: Հիշատակվում է նաև, որ միշտագային առևտրի կենտրոն՝ Տրապիզոնում հռչակված էին հայկական մետաքսյա նուրբ գործվածքները և հատկապես դիպակը: Տեքստիլագործության ու գորգագործության ծաղկմանը նսլաստում էին նաև Հայաստանի հռչակ ստացած բնական ու արհեստական ներկերը, հատկապես որդան կարմիրը:

Նույն ժամանակաշրջանում որոշ զարգացում է նկատվում նաև հանքագործության մեջ, հատկապես պղնձի, երկաթի և արծաթի² Դժբախտաբար մենք դեռ չունենք բավարար տեղեկություններ, թե ինչ չափերի է հասել այդ մշակությունը և տեխնիկական ինչ մեթոդներ են կիրառվել այդ գործում, բայց գտնված նյութական մնացորդները ցույց են տալիս, որ տեղական հանույթն է հանդիսացել այդ շրջանի արհեստների զարգացման նյութական բազան: Արհեստների զարգացումը պայմաններ է ստեղծում ծավալուն ապրանքափոխանակության և առևտրական հարաբերությունների զարգացման համար:

¹ Թովհաննուս կաթողիկոսի Դրասխանակերտեցւոյ «Գաղտնութիւն Հայոց», Թիֆլիս, 1912 թ., էջ 198—199:

² А. Манандян, «О торговле и городах др. Армении», стр. 160—161.

³ Նույն տեղում, էջ 199:

Դվինը, որը կործանվել էր 9-րդ դարի երկրորդ կեսում տեղի ունեցած երկրաշարժերից և վերականգնվել, ոչ միայն հանդիսանում էր արևմտյան և արևելյան ասրանքների փոխանակության տրանզիտային առևտրի կարևորագույն օղակներից մեկը, այլև խոշոր կենտրոն էր տեղական արդյունագործության, Հայաստանի վրայով անցնող միջազգային նշանակություն ունեցող ճանապարհի ողջ երկարությամբ, այդ շրջանում, ծնվում են ու ծաղկում առևտրի ու արտադրության խոշոր կենտրոններ Անին, Կարսը, Արծնը և մի շարք այլ քաղաքներ, առանձնապես Անին, որը մեծ զարգացում ապրեց, երբ դարձավ Բագրատունիների մայրաքաղաքը (36! թ.)։ Գտնվելով արևելքից արևմուտք անցնող առևտրական ճանապարհի վրա, Անին դարձավ միջազգային տրանզիտային առևտրի կենտրոն և կարճ ժամանակամիջոցում ճանաչվեց որպես «տիեզերահաղաք» քաղաք, Կարինն ու Արծնը նույնպես դարձել էին վաճառաչ կենտրոններ, «ծով եւ ցամաք երկներ եւ առատանայր կրել ի սմա զգորութիւն իւր», — ասում է Արիստակես Հաստիվերտցին Արծնի մասին, իսկ Կարսի մասին գրում է. «հարստացեալք քաղում ընչեղութեամբ ի ծովէ եւ ի ցամաքէ ամրաբեալաւ»։ Տրանզիտային առևտրի այդ կարևոր մագիստրալի մի շարք կենտրոններում հաճախ կազմակերպվում էին մեծ տոնավաճառներ, որին մասնակցում էին, ոչ միայն հարևան երկրների, այլև Բյուզանդիայի, Արարիայի, Պարսկաստանի և անգամ հեռավոր Հնդկաստանի առևտրականները։ Առևտրական մի այլ մագիստրալ, ոչ նվազ տնտեսական նշանակությամբ, անցնում էր Հայաստանի հարավային շրջաններով, մինչև Միջերկրական ծովը, այդ՝ հարավային ճանապարհների վրա գտնվող քաղաքներում՝ Վանում, Բերկրիում, Արճեշում, Մանազկերտում, Նլաթում, Բաղեշում բնակություն էին հաստատում մեծ քանակությամբ արհեստավորներ, առևտրականներ, որոնք զործոն մասնակցություն էին ունենում երկրի թե ներքին և թե արտաքին առևտրին։

Հետաքրքրական են նաև այդ քաղաքների բնակչության մասին մեզ հասած թվական տվյալները. այսպես օրինակ Թովմա Արծրունու վկայությամբ՝ 893 թվի երկրաշարժից Դվինում տուժել են 70 հազար բնակիչ։ Գեորգի Կեդրինի տեղեկություններով Արծնը վերցնելու ժամանակ սելջուկները 1049 թ. ոչնչացրել են 140.000 մարդ,² ըստ որոշ տվյալների՝ Անիում բնակիչների թիվը 100.000-ից պակաս չպետք է եղած լինի։ Բնակչության, արհեստավորների և առևտրականների կենտրոնացումը քաղաքներում սլահանջ էր դնում նոր բնակելի տարածությունների՝ արհեստանոցների, վաճառական շենքերի և այլ կառուցումների։ Կուտակված միջոցները հնարավորություններ էին տալիս բարձրարժեք ճարտարապետական կոթողներ բարձրացնելու նոր կառուցվող քաղաքներում։ Կառուցվում էին նոր՝ ընդարձակ ու հարմարություններ ունեցող քարվանսարաններ, իսկ արհեստավորների և գործավորների համար նույնիսկ առանձին թաղամասեր։ Քաղաքները շրջապատվում էին հոյակապ պարիսպներով, որոնք ոչ միայն պաշտպանական նշանակություն ունեին, այլև փայլում էին իրենց վեհությամբ ու գեղեցկությամբ։ Քաղաքները օրեցօր հարստանում էին շքեղ պալատներով, եկեղեցիներով, իսկ պարիսպներից դուրս՝ տասնյակ այգիներով ու պարտեզներով։ Ըկեղեցիները, պալատները, նույնիսկ

¹ Պատմություն Արիստակեսի վարդապետի Հաստիվերտցու, Թիֆլիս, էջ 78, 91։

² Манандян, О торговле и городах в древней Армении, стр. 155.

աշխարհիկ շենքերն ու պարիսպները զարդարվում են քանդակներով, իսկ որոշ ղեպքերում նաև որմնանկարներով (ֆրեսկո)։ Քաղաքներում կառուցվում են փողոցներ, քաղնիքներ, կոյուղի, ջրմուղ, ծաղկանոցներ ու պարտեզներ։

«Ի՞նչ իրերն ական մի պատուական լուսադեղ պայծառութեամբ փայլէր քաղաքս մեր ի մէջ ամենայն քաղաքաց, ամենեւին գեղեցիկ, բոլորովին զարդարուն»,¹ — գրում է Լաստիվերտցին Արծնի մասին։ Իսկ Անին ըստ Լաստիվերտցու, Ասողիկի ու ժամանակակից այլ պատմիչների վկայութիւնների, ինչպես և նյութական կուլտուրայի մնացորդների, պատկերվում է մեր առաջ որպես ծաղկած առևտրի ու արհեստների մի կենտրոն, քաղաքային աշխույժ կյանքով, աշխարհիկ վայելքներով, դասակարգային սուր հակամարտութիւններով և այլն և այլն։

Քաղաքների վերաշինման ու դեղեցկութեան մեջ մեծ մասնակցութիւն են ցուցաբերում արհեստավորներն ու առևտրականները։ Ա. Լաստիվերտցին Արծն քաղաքի մասին գրում է.

«Վաճառականք սորա փառաւորք եւ օգնողք թաղաւորք ազգաց» կամ «Վաճառականք եկեղեցւոյն շինողք եւ զարդարիչ»²

Քաղաքներում ապրող հայ ազնվականութիւնը, հոգևորականութիւնը, մանր հողատերերը և առևտրականներն իրենց առտնին կյանքը, նիստն ու կացը, կենցաղը, սովորութիւնը, նույնիսկ հանդերձները հարմարեցնում էին իրենց հարստութեանը, հազնում էին գիպակ, մետաքսե պատմուճաններ ոսկեթել ասեղնազործներով, Կանայք օգտագործում էին մետաքսյա երեսի քող ոսկեթելով նուրբ կարված, մետաքսե ժապավենից գոտի, ապարանջաններ ու մատանիներ, ոսկե զարդեր և այլն։

Շքեզ են եղել նաև տնային կահկարասիները, գորգերը, բազմոցները, վարագույրները։ Գործածութեան իրերը մեծ մասամբ եղել են պատրաստված գեղարվեստական բարձր ճաշակով արծաթից, ապակուց և այլ թանկարժեք նյութերից։ Իշխաններն ու ազնվականները կրել են գեղեցիկ արծաթապատյան սրեր, որոնց մեծ մասը պատրաստվում էին տեղական արհեստավորների կողմից։

9-րդ դարի վերջերիս և 10-րդ դարի ամբողջ ընթացքում երկրի հարստութիւններն ու նշութական կարողութիւնները կենտրոնանում են մի կողմից խոշոր կալվածատիրութեան, իսկ մյուս կողմից առևտրական դասի ձեռքում։ Հանդես է դալիս դրամական տնտեսութիւն, դրամն այս շրջանում դառնում է մի տեսակ աստված. «Սու յարգի եղել արծաթասիրութիւն քան զաստուածապաշտութիւն, եւ Մամոնայն (գրամը) քան զՔրիստոս»³

Հարստութեան դիզման, շվայտ և փարթամ կյանքի համար կրկնապատկվում է աշխատավորութեան շահագործումը։ Մեծ ծավալ է ստանում խաբեբայութիւնը, դողութիւնը, կաշառակերութիւնը, վաշխառութիւնը։

«Բշխանք սորա գողակիցք եղեն դողոց, — գրում է Լաստիվերտցին Արծն քաղաքի մասին, — վրիժագործք և արծաթոյ ծառայք. դատաւորք սորա կաշառութեւ և վասն կաշառաց գողանային զիրաւունս. եւ դատաստան որբոց ոչ առնէին, եւ յիրաւունս այրեաց ո՛չ խոնարհէին, վաշխից և տոկոսեաց օրէնք

¹ Լաստիվերտցի, էջ 70։

² Նույն տեղում, էջ 70—71։

³ Նույն տեղում, էջ 70։

եղան, եւ ցորենոյ բազմապատկութիւն, որով երկիր պղծի եւ արգելու զարգանդ առ ի տալոյ զպտուղ... Որ խաբէր զընկերն, պարծէր իմաստուն գոյ, և որ յափշտակէր ասէր՝ Ես հօօր եմ: Զտունս տնանկից աղքատացն, եւ զսահմանս անդաստանաց նոցա յափշտակէին օրհաստունքն...¹ և այլն:

Հողը և երկրի հարստութիւնները վաշխառության, գողության, կաշառակերության և այլ ճանապարհներով կենտրոնանում էր ոչ միայն վաշխառուների, առևտրական դասի ու ազնվականության, այլև շահագործող դասերի ճնշումը ամրացնող եկեղեցու ձեռքում: Հոգևորականությունը ռոգու փրկության քողի տակ մեծ միջոցներ և առաջին հերթին կալվածներ ու շինականներ էր կորզում թագավորական ու նախարարական տներէց, և իր նիստ ու կացով ու կենցաղով, շվայտությամբ, անառակությամբ ետ չէր մնում աշխարհիկ իշխողներից:

Բազրատունիների տիրապետության շրջանում, մեկը մյուսի հետևից երկրի տարբեր մասերում բարձրանում են վանքերն ու եկեղեցիները, շրջապատվելով այգիներով, արոտավայրերով ու այլ կալվածքներով: Վանքաշինությունը առանձնապես աչքի է ընկնում 10-րդ դարում: Արաս թագավորի ժամանակ կառուցվում են Կամրջաձորի վանքը Արշարունիքում, Հոռոմոսի Դպրեվանքը Շիրակում, Խլաձորի վանքը Դերջանում, կառուցվում են Հնձոցի (Կարինի), Ցախաց քարի (Վայոց Ձոր), Տաթևի, Նարեկի (Ռշտունիք) և նման տասնյակ վանքեր:

Վանքերի և եկեղեցիների շինարարությունը շնչալցնող թափով շարունակում է Աշոտ 3-րդը (953—977) և Նրա իշխանության ժամանակ կառուցվում են Հաղպատի և Սանահինի վանքերը:²

Քաղաքներում և գյուղերում կառուցված եկեղեցիներից հիշատակության արժանի են Կարսի եկեղեցին, Անիի կաթողիկեն և Ս. Դրիգորի եկեղեցին, Արգինայի եկեղեցին և շատ ուրիշները, որոնք հասկանալի է, կառուցվում էին կամ վերաշինվում ծանր շահագործման միջոցով, աշխատավորության գառն քրտինքի հաշվին:

Վանքերի կառուցման զուգընթաց աճում է նաև վանականների թիվը, նրանք խմբերով լցվում էին այսպես կոչված եղբայրանոցները և նոր բեռ դառնում աշխատավորության առանց այն էլ կորացած մեջքին:

Արասի օրոք, վկայում է Ասուղիկը՝ քծաղկեալ պայծառանայր կարգ կրօնաւորական հանդիսից յաշխարհիս Հայոց: Իս ի յուով տեղիս շինեցան եղբայրանոցք, եւ ժողովեցան միաբանակեայք սիրովն Քրիստոսիւ:³

Վանքերում ապաստանած կրոնավորների թիվը հարյուրների էր հասնում: Վանքի կամ եկեղեցու կարողությունն ու ազդեցությունը չափվում էր ոչ միայն նրա ունեցվածքով, կալվածների ու շինականների քանակով, այլև վանա-

¹ Հաստիվերացի, էջ 79—80:

² Վանքաշինարարության մասին մանրամասն տեղեկություններ է հաղորդում Ասուղիկը (էջ 173—174):

³ Այս շրջանում կառուցված կամ վերանորոգված վանքերի թիվն են պատկանում սե Կարազա վանքը, Ջորավանքը (Վանի մոտ), Աղարաթունյաց վանքը, Մարմաշենը, Սեւանը, Աղթամարի Ս. Խաչը և այլն:

⁴ Ս. Տաթուեցի, էջ 173:

կաններն թվով: Տաթևի վանքի միաբանները, օրինակ, ըստ Ստեփանոս Օրբելյանի վկայության բաղկացած են եղել հինգ հարյուր եղբայրներից¹:

Պորտաբույծների այս վիթխարի քանակը, որը ոչ մի հանրագուտ աշխատանք չէր կատարում և կերակրվում էր աշխատավորության հաշվին, նվիրատվությունների, գնումների, առևտրի ու վաշխառության միջոցով իր ձեռքն էր կենտրոնացնում ոչ միայն հողը, այլև փողը: Բացարձակորեն թալանվում էր գյուղացին, բռնի ուժով տեղահանվում իր հայրենի ավանից, գյուղից և կամ բռնի «գնումների» միջոցով զրկվում էր հողակտորից:

Գյուղացիների տեղահանման, վանքերի կողմից նոր հողային տարածությունների գնման ու նվիրաբերությունների մասին հարուստ տեղեկություններ է հաղորդում Ստեփանոս Օրբելյանը: Սյունյաց իշխանուհի Սոփիայի կողմից Գնդեվանքին նվիրած գյուղերի մասին թողած արձանագրության մեջ, օրինակ, կարդում ենք հետևյալը.

«Ըս Սոփիա տիկին՝ կին Սմբատայ աստուածապահ տեառն Սինեաց եւ Դուստր Գրիգոր Դերենիկի, շինեցի զեկեղեցիս (խոսքը Գնդեվանքի մասին է) ի յիշատակ հոգւոյ իմոյ եւ յարեւշատութիւն իշխանաց իշխանին Սմբատայ եւ որդեկաց մերոց. եւ զարդարեցի զսա մեծածախ սպասիւք. եւ ետու զերկու դիւղս, ի ժառանգութիւն սմա, զոր մի որ իշխեսցէ խախտել կամ հանել ի սուրբ եկեղեցւոյս, ապա թէ ոչ անլուծանելի նզովիւք անիծեալ լիցին յԱստուծոյ եւ յաստուածագումար սրբոցս, մատանի էր անակն Վայոց Ձոր, շինեցի զսա եւ եղի ակն ի վերայս:»

Ավելի մեծ քանակի գյուղեր, արոտավայրեր, կալվածքներ է ստանում Տաթևի վանքը (կառուցված 895—907 թ. թ.), որի եպիսկոպոս Հակոբի եռանդի ու ջանքերի շնորհիվ Սյունաց տերերը մեծ առատաձեռնություն են ցուցաբերում նվիրելով վանքին հսկայական տարածություններ:

Ստ. Օրբելյանի Պատմության «Վասն ժառանգութեան եկեղեցւոյն եւ հայրապետացն զորս ետուն թագաւորքն եւ իշխանքն. եւ սահման վանիցն զոր գտաք դրեալ ի վերայ մագաղաթի եւ կնքեալ արքունական մատանեաւ զխում Տաթևի վանքի մասին կարդում ենք. «Ընծայէ թագաւորն ի սուրբ եկեղեցին զմեծ աւանն Կարճաւան յԱրևիք դաւառի, ի Մեղրաձորի ընդ գնոյ ստացեալ, գնէ եւ զՀարժիս ի տէրանց Սինեաց եւ զայն եւս ընծայէ ազատ յամենայն հարկաց, տալ եւ ի Գեղարունի, ի Սօդից գաւառի գեորասան կիրակ եւ ի Գառնոյ ձորի զԳոտող վանս: Տայ եւ Աշոտ՝ զահեբէց իշխանն Սինեաց, զՅօղունի գիւղ ի Հարանդ գաւառի եւ զԲնունիք ի Սինիս, ի Մղկուք գաւառի, շնորհէ եւ զՅուր բերդովն եւ ագարակօքն եւ զգետն Ծուրայ եւ զվանքն, զՏանձատափ եւ զԴեղձաձորն. տան եւ Բաղացիքն զՏաշու փոխեալ ընդ այլ գեղոյ յԱշոտոյ, տան եւ զՈղէզս գեօղ ի Բաղք գաւառի. տան եւ Սուփանեանք, զԱրիտ գեօղ սահմանակից Հարժից եւ Տամալեկուց. տան և յետոյ ի Գեղաբունի զԿուկոյս գիւղ ազատ ամենայն հարկաց. շնորհէ եւ մեծ բարեպաշտուհի տիկինն Սինեաց զԾածարդ եւ զՓարատնիս:

Ըս գրեն այսմ ամենայնի կտակ առաջի մեծ ժողովոյն եւ կաթողիկոսին:

¹ Ստ. Օրբելյան, «Պատմութիւն նահանգին Սիսական», Թիֆլիս, 1912 թ. էջ 228:

² Նույն տեղում, էջ 261—262:

եւ ահագին նզովիւք փական սոսկալի եւ սարսափելի դաշամբք. եւ կնքեն զթուղթն վարազագիր մատանեաւ թագաւորին եւ կաթողիկոսին և իշխանացն, եւ աւանգեցին ի ձեռն տեառն Յովհաննիսի Սիւնեաց եպիսկոպոսի»¹

Պատմիչները բազմաթիվ տեղեկություններ են հաղորդում ոչ միայն նվիրատվության, այլև վանքերի ու եկեղեցիների կողմից գյուղերի հողային տարածությունների, ջրերի ու անտառների գնման մասին։ Ստ. Օրբելյանն իր Պատմության մեջ փաստաթղթեր է մեջ բերում Հուկոր եպիսկոպոսի կողմից 12.000 դրամով և մի պատվական դոհարով «Վարարակ ջրի» (ջրանցք) Զիլիպպ իշխանից գնելու մասին և համանման բազմաթիվ այլ փաստաթղթեր։ Լիակատար տեղի դառնալով հողային մեծ տարածություններ ջրով այդ ջրանցքին, Տաթևի վանքը մի շարք գյուղերի գցում է հարկադրական տնտեսական կախման մեջ իրենից։ Ջրանցքի գնման կալվածագրի մեջ ասված է, որ «... չկա նորեցեաց կամ խոտանանեցեաց կամ Շնհերաց եւ Հալեցեաց այդ ջրովդ հաշիւ ոչ շատ եւ ոչ սակաւ, ոչ յարտ հատանել և ոչ ի մարդ գատել, որ մարդ եւ անասուն ջուր ըմպեն ի մատակէդ...»² Ուրեմն, վերահիշյալ շորս գյուղերը զրկվում են այդ ջրից որևէ չափով օգտվելու իրավունքից, ուստի և բնկնում են ջրի տիրոջից (Տաթևի վանքից) տնտեսական հարկադրական կախման մեջ։ Հասկանալի է, որ նրանց ջուրն ստանալու պահանջից դրված ստիպված պետք է լինեին անարդարացի ու թալանչիական գործարքի մեջ մտնել հոգևոր ֆեոդալի հետ. և հսկայական հարկերի ու տուրքերի միջոցով միայն ստանալ մինչ այդ իրենց պատկանող ջրից օգտվելու իրավունքը։

Օգտվելով եկեղեցիների և վանքերի տնտեսական ու իրավական հզորությունից՝ դրամ դիզելու, ինչպես և հսկայական կալվածքների տեղի դառնալու մարմաջով են բռնվում նաև անհատ հոգևորականները, հատկապես եկեղեցու ամենաբարձր պաշտոնյաները (կաթողիկոս, եպիսկոպոսներ, վանահայրեր և այլն)։

Խոշոր հողատեր ու կալվածատեր է եղել՝ Անին բյուզանդացիներին վաճառող, հայ պատմության մեջ դավաճանի համբավ թողած, ժամանակի կաթողիկոս, Պետրոս Գետադարձը (1019—1059)։ Նա Մատթեոս Ուռհայեցու վկայությամբ «Ունէր կազմութիւն՝ հայրենեաց՝ տուեալ ի թագաւորացն Հայոց՝ հինգ հարիւր գեւղ, անուանի եւ մեծանիստ եւ շահաւէտ բնտիր, բնտիր»։

Հարյուրավոր գյուղերից բացի նրա հայրենի սեփականությունն էր «Սուրմառի բերդավանի նման նշանավոր կալվածքը»։

Կալվածքների հետ միասին, Պետրոսը ժամանակի ոգուն համապատասխան աշխատել է միաժամանակ կուտակել դրամ և մեծ քանակությամբ դանձ։

«Քանզի.— ինչպես վկայում է Լև. Լաստիվերտցին,— յոյժ սիրող էր դանձուց Պետրոս»³։

Հարստություններ կուտակելու մեջ ու արծաթասիրությամբ, կաթողիկոսից Նո չէին մնում նրա ենթակաները, դավադատեսուչները, եպիսկոպոսները, որոնց թիվը հասնում էր մոտ 500-ի։

¹ Ստ. Օրբելյան, էջ 228—229։

² Նույն տեղում, էջ 256։

³ Մ. Ուռհայեցի, 1888 թ., էջ 138։

⁴ Կ. Կոստանեան, Տէր Պետրոս Ա. Գետադարձ, 1897, էջ 18։

⁵ Լև. Լաստիվերտցի, էջ 89, գլուխ ԺԳ։

Նկարագրելով սելջուկ թուրքերի կողմից անպարիսպ ու անպաշտպան Արծն քաղաքի գրավումն ու կողոպտումը, Մատթեոս Ուռհայեցին տեղեկություն է տալիս քորեպիսկոպոս Դավթուկի ունեցվածքի մասին, նա գավառատեսուչ էր ու անազնիվ, խարդախ ճանապարհներով կուտակել էր հսկայական նյութական միջոցներ:

Քայց զայս բաղում անգամ լուեալ է մեր... — գրում է Ուռհայեցին, — յաղագս քորեպիսկոպոսին, որ ասէին Դաւթուկ, եթե զգանձատունն նորա Արիհիմն էառ եւ քառասուն ուղտ բարձան զգանձարանս նորա. ութ հարիւր վեցկի (երեք լուծ վեց եզ լծած արօր) եզանց ելանէին տանէ նորա»¹

Դավթուկը բացառություն չէր, տասնյակ դավթուկներ կաթողիկոսի գլխավորությամբ աշխատավորության թաղանթի, հողերի գրավման և գյուղացիության ծանր շահագործման գնով ձեռք էին բերում մեծ հարստություններ, նրանցից շատերը զբաղվում էին վաշխառությամբ (այդ մասին տեղեկություններ կան միջնադարյան կանոններում), իսկ ոմանք, անգամ հոգևոր կոչումից զատ ստանձնում էին աշխարհական զանազան պաշտոններ, անգամ դառնում հարկահավաք:

Այս տեսակետից բացառիկ արժեք է ներկայացնում Մատենադարանի № 838 ձեռագրի տվյալը, որը վերաբերում է մեղ հետաքրքրող ժամանակաշրջանին: Այնտեղ քահանաների մասին կա հետևյալ կանոնը.

Մի որ ի քահանայից հոգաբարձու քաղաքի կամ գեղջի լինիցի կամ գաւառապետ աշխարհական իշխանաց կամ գրող հարկաց կամ գրողաց կամ մակից, կամ այլ ինչ գործակալութիւն աշխարհի...»²

Վարելով մեկտեղ և եկեղեցական և աշխարհական պաշտոններ, հոգևորականներից շատերը կարողանում էին ժողովրդի արյան ու քրտինքի գնով կուտակել հսկայական նյութական միջոցներ:

Երկրի ներսում պատրաստվող և հեռավոր երկրներից ստացվող փարթաժության ու շքեղության առարկաներով, համեմունքներով հեղեղված շուկան պահանջում էր միջոցներ: Գնման ու փոխանակման միջոցները, առաջին հերթին դրամը, դարձել էր նոր աստված: Դրամական տնտեսությունը փոխել էր մարդկանց հոգեբանությունը, նրանց մտածելակերպը, բարքերը: Մարդիկ լինեցին ամեն տեսակ միջոցի հետևից, միայն թե կարողանան շահ ստանալ:

Կալվածատիրության ու հոգևորականության հետ մեկտեղ չարաշահումների, ու անլուր շահագործման դուռ է բացվում նաև վաշխառուների ու առևտրականների համար:

Մանր հարկեր վճարելու համար գյուղացին ստիպված էր շուկա հանել իր ստացվածքի մի մասը, առանց գյուղատնտեսական ապրանքների վաճառքի անսլատկերելի է բազմահազար բնակչություն ունեցող քաղաքների կյանքում: Իվ գյուղացին ստիպված է լինում ամենօրյա կապերի մեջ մտնել ներքին շուկան գյուղատնտեսական ապրանքներով բավարարող, գյուղի ու քաղաքի միջև առևտրական գործարքներ կատարող առևտրականների հետ և իր արդյունքի մի զգալի մասը, ուղղակի և անուղղակի ճանապարհներով զոհել հօգուտ առևտրականի:

¹ Մ. Ուռհայեցի, «Ժամանակագրութիւն», էջ 103:

² Մատենադարանի ձեռագիր № 838, էջ 119 բ.:

նվ նույն առևտրականը կամ նրա դասին պատկանող մի այլ ներկայացուցիչ հարմար առիթի է սպասում գյուղացուն, գցելու վաշխառուական իր ուստայնի մեջ, վաշխառուն, որ միջոցներ է կուտակում ու հարստանում ժողովրդի թշվառություններից, ինչպես նկարագրում է 7—8-րդ դարու հեղինակ Հովհան Մայրավանեցին՝ ամեն օր աղաչում է աստծուն, որ երկրում լինի սկարօտութիւն և տարակուսանս և սովս սաստիկս և հարկապահանջս աշխարհիս, որովհետև սովի և ծանր հարկերի ժամանակ խեղճ գյուղացին ստիպված ձեռք է կարկառում նրան և խնդրում հրեշավոր տոկոսներով պարտք, նրանք, այդպիսով ազարծաթս իւրեանց ի վաշխառու տան, և տոկոսեօք անդէն պահանջէն, և անակնածելի ուտեն զմարմինս տնանկաց և ըմբեն զարիւն նոցա անողորմս»³

Դցելով իր ճիրանների մեջ խեղճ գյուղացուն, վաշխառուն աստիճանաբար քամում է նրա կենսական հյութերը, ստիպում է վաշխի դիմաց տալ իր անասունները, ունեցվածքը և ողջ կարողությունները:

Մեղ հասել են քավակաճաշափ տվյալներ նաև բնամթերքի վաշխառության մասին: Անբերրիության տարիներին նույն վաշխառուները կամ ունևոր մարդիկ ցորեն են տալիս սովամահության վտանգի առաջ կանգնած գյուղացուն (վաշխառության այս ձևի մասին խոսում է Ա. Լաստիվերացին, անվանելով այն «ցորենի բազմապատկություն»), իսկ հետագայում տե՛ր դառնում նրա քրտինքի գնով վաստակած արդյունքին:

Այսպիսով, 9-րդ դարից սկսած Հայաստանի էկոնոմիկայում և սոցիալ-տնտեսական հարաբերություններում նկատելի են մի շարք արմատական փոփոխություններ ու տեղաշարժեր: Այդ նոր հարաբերությունների ոլորտում սրվում են դասակարգային ու դասային հակամարտություններն այն աստիճան, որ երկիրը հղի է դառնում սոցիալական բախումներով ու գաղափարների սուր գոտեմարտերով: Բոլոր դասակարգերի առաջ ծառանում են հարցեր ու պահանջներ, որոնց լուծման ճանապարհը սոցիալական ակտիվ պայքարի կամ հնի պաշտպանության համար մղվող պայքարի ճանապարհն է:

Մանոթանանք այժմ, թե ի՞նչ վիճակ էին ապրում և ինչպիսի հարաբերության մեջ էին միմյանց հանդեպ մեզ հետաքրքրող ժամանակաշրջանի հասարակական շերտերն ու դասակարգերն առանձին-առանձին վերցրած:

Խոշոր կալվածատերեր (նախարարներ), դեռ շատ վաղ ժամանակներից, տե՛ր էին դարձել մեծ հողային տարածությունների, ստանալով դրանք ժառանգաբար կամ ձեռք բերելով պատերազմների ու գնումների միջոցով: Նրանք գրեթե անկախ էին թագավորից:

Նախարարական տների ձեռքում եղած հողային տարածությունները, անտառներն ու արոտավայրերը, հաշվվում էին ոչ թե հարյուր կամ հազար հեկտարներով, այլ մի քանի, նույնիսկ տասնյակ հազարներով: Առանձին նախարարական տներ (անցյալում Մամիկոնյան, Մարգարյան, Մահառունի և այլն, այս շրջանում Արծրունի, Պահլավ, Սյունի), տիրում էին ամբողջ եր-

¹ Նրա հոտերը մեզ հասել են ձեռագրերով որպես նովհ. Մանդակունու հեղինակություններ, բայց գիտության մեջ արդեն ցույց է արված և ապացուցված դրանց իսկական հեղինակը (Տես «Շոդակաթ» ժողովածու, 1912 թ., էջմիածին. Գ. Տեր-Մկրտչյանի նոգվածը):

² Տես Սովհ. Մանդակունույ Հայոց հայրապետի հասք, Վենետիկ, 1836 թ., էջ 33:

³ Նույն աեղում, էջ 32:

կրրենքի ու երկրամասերի, նրանք իրենց ունեցվածքով ու կալվածքներով չէին զիջում թագավորական տան ներկայացուցիչներին, իսկ առանձին դեպքերում նույնիսկ գերազանցում էին նրանց: Տնտեսական այս հզորությունը նրանց հնարավորություն էր տալիս իշխելու նաև քաղաքական կյանքում: Նախարարներն իրենց երկրներում ինքնիշխան էին: Ըստ իրենց հայեցողության, նրանք հարկ էին նշանակում, քմահաճորեն դրամ ժողովում, պատերազմում հարևանների հետ, դատում, վճիռներ կայացնում և այլն: Ունենալով անսահմանափակ իշխանություն՝ նախարարներն իրենց երկրամասի ինքնիշխան տերերն էին:

Չնայած այն բանին, որ արարները մեծ հարված հասցրին հայ նախարարական տներին և պատմության բեմից անհետացրին մի շարք խոշոր րնտանիքներ, այնուամենայնիվ այս շրջանում Բագրատունիների ուժեղացման ու արաբական խալիֆաթի թուլացման պայմաններում որոշ նախարարական տներ կարողանում են վերականգնել իրենց քաղաքական ու տնտեսական իրավունքները, անգամ տեր դառնալ նոր կալվածքների և իշխող դեր խաղալ երկրի կառավարման գործում:

Նրանք իրենց բոլոր ձգտումներով ու շահերով կապված լինելով ֆեոդալական կարգերի հետ, ինչ խոսք, որ պետք է հանդես գալին այդ հարաբերությունների անփոփոխ պաշտպանության և ամեն տիպի ռեուցիոն շարժումների ճնշումը գլխավորողի դերում: Սակայն նրանցից ոմանք զուտ նեղ-ֆեոդալական-անձնական շահերից ելնելով, երբեմն, ժամանակավոր կոմպրոմիսներ կարող էին կնքել տիրող կարգերի դեմ օպոզիցիոն տրամադրություններ ունեցող շերտերի ամենապահպանողական ներկայացուցիչների, ինչպես նաև օտար պետությունների հետ, կենտրոնական իշխանության դեմ մղվող կենտրոնախույզ իրենց ձգտումների իրականացման և օր ավուր հզորացող եկեղեցական հողատիրության առաջն առնելու համար:

Պետք է, սակայն, շնորհանալ, որ եկեղեցու տնտեսական հզորության դեմ եղող բողոքները խոշոր ֆեոդալների կողմից, որոնց մենք ականատես ենք շատ վաղ ժամանակներից, ոչ մի դեպքում չի կարելի դիտել որպես եկեղեցու դեմ մղվող պայքար: Այդ դժոհություններն ու ելույթները հետաքրքիր են իշխող ֆեոդալական դասի ներսում եղող հակասությունների ու ներդասակարդային բախումների ուսումնասիրության տեսակետից: Բայց որոշ դեպքերում այդ հակասությունները կարող էին օգտագործվել և օգտագործվում էին օպոզիցիոն դասերի կողմից, որովհետև դրանք վերջին հաշվով թուլացնում էին ֆեոդալական հարաբերությունների մոլի պաշտպանների բանակը՝ ներսից:

Մանր ազնվականները քանակով ավելի շատ էին, քան նախարարները, բայց րնդհանուր հողային տարածություններով և ունեցվածքով բավականին զիջում էին առաջիններին: Լինելով ավելի փոքր սովի և միջոցների տեր, նրանք երկրի տնտեսական ու քաղաքական կյանքում չէին կարողանում հանդես գալ ինքնուրույն ձևով, այլ մեծ մասամբ ենթարկվում էին նախարարներին, դառնում նրանց ձեռքին զենք՝ թագավորական կամ նախարարական այլ տների դեմ մղած նրանց պայքարի ժամանակ:

Ունենալով ավելի փոքր հողակտորներ, նրանք մեծ մասամբ տնտեսական կախման մեջ էին նախարարներից և հաճախ զրկվում էին իրենց հողակտորներից, կուլ գնալով խոշոր կալվածատերերին կամ եկեղեցուն: Մանր ազնվա-

կանոթյան դրությունն ավելի է ծանրանում, երբ գնումների ու նվիրատվությունների միջոցով վանքերին ու եկեղեցիներին են անցնում հողային հսկայական տարածություններ, Հասկանալի է իհարկե, որ ֆեոդալական այս դասը չէր կարող պասիվ դիտողի դերում հանդես գալ երկրի սոցիալ-տնտեսական կյանքում կատարված խոշոր իրադարձությունների հանդեպ:

Ֆեոդալական տիրող դասակարգի մեջ հոգևորականությունը օր ավուր հզորանում էր և տնտեսապես և թվական տեսակետից, շնորհիվ վանքերի ու եկեղեցիների շուրջը կատարվող և հարաճող հսկայական տնտեսական միջոցների: Իայց այս դասը ևս միատարր չէր. նրա մեջ մտնում էին իրենց տնտեսական ու քաղաքական վիճակով շատ տարբեր երկու թեկեր. ա) բարձրաստիճան հոգևորականություն (կաթողիկոս, եպիսկոպոսներ, վանահայրեր և այլն) և բ) գյուղական քահանաների, սարկավագների ու դպիրների մի քաղմամարդ շերտ, որն իր առօրյայով կապված լինելով աշխատավոր ժողովրդի հետ, գործելով նրա հետ մշտական շփման պայմաններում, որոշ դեպքերում հանդես էր գալիս աշխատավորների բանակում, իր բողոքի ձայնը միացնելով աշխատավորների ձայնին:

Բարձրաստիճան հոգևորականությունը, դրան հակառակ, ոչ մի բանով չէր տարբերվում հզոր ֆեոդալներից: Ըր նիստ ու կացով, սոցիալական ծագումով ու տնտեսական շահերով նրանք՝ հոգևորականի զգեստ հագած ֆեոդալներ էին, որոնք հանդես էին գալիս ժողովրդական լայն շերտերին անլուր շահագործողների, դժոխքի, աշխարհիկ և եկեղեցական պատիժների սարսափով սանձողների դերում:

Նրանք իրենց հպատակ գյուղացիներին նախարարների, իշխանների և մանր ազնվականների նման ոչ միայն անխնա շահագործման էին ենթարկում, այլ գանձելով մեծ քանակությամբ եկեղեցական հարկեր ու տուրքեր, կրկնակի ծանրացնում էին գյուղացիների վիճակը՝ ռեկեղեցիները, ինչպես նկատում է Ֆ. Էնգելսը, — բռնության ու շահագործման հետ միասին գործի էին դնում կրոնական բոլոր հնարքները, շարժման մեջ էին դնում քանադրանքի երկյուղը, մեղքերի թողությունը, մերժումը և խոստովանության բոլոր ինտրիգները, երանավետ ուխտագնադությունները, մասունքների արտադրությունը, մատաղը, պսակը, այս կամ այն տոնի հետ կապված պատարագները, որպեսզի դրա միջոցով կարողանային աշխատավորներից քամել նրա վերջին ստակը և այդ միջոցով ավելացնեին եկեղեցու և իրենց անձնական հարստությունները: Ոչ միայն աշխատավոր գյուղացիության, այլև ազնվականության որոշ շերտերի կողմից դեպի հոգևորականությունը տածած ատելությունն ուղղված էր դեպի այս դասի՝ բարձրաստիճան հոգևորականությունը: Մեն հետաքրքրող ժամանակաշրջանի բարձրաստիճան հոգևորականության բարքերի այլասերվածության, շահագործման, կաշառակերության ու խաբերարության մասին շատ բնորոշ տեղեկություններ է հաղորդում Մատթեոս Ուոհայեցին: Երբ Հովհաննես-Սմբատ Թագավորը և Պետրոս Գետադարձ կաթողիկոսը իշխաններից կազմված մի պատվիրակություն են ուղարկում Սևան, ժամանակի հռչակավոր վարդապետ Հովհաննես Կոզեռնի մոտ, իմանալու համար 1022 և 1036 թվականների արեգակի խավարման ու երկրաշարժի պատճառները, վերջինս հայտնում է, որ աշխարհի վերջը մոտեցել է, սատանան արձակվել է կապանքներից և այլն: Այդ պատասխանի մեջ տրված է ժամա-

նակի բարբերի շատ հետաքրքիր նկարագրություն, որի հետ անհրաժեշտ է հատվածաբար ծանոթանալ:

«Եւ ահա յայսմհետէ,— հայտնում է Հովհ. Կողբոնը,— ոչ ոք կարասցէ կալ հաստատուն ի հաւատս Քրիստոսի եւ ի պատուիրանսն Աստուծոյ, ոչ հայրապետ և ո՛չ վարդապետ, ո՛չ եպիսկոպոս, եւ ո՛չ քահանայ, ոչ արեղայ եւ ո՛չ կրօնաւոր, ոչ իշխան եւ ոչ ժողովուրդ. իշխանք յարեանն ի գոգս եւ յաւազակս և յափշտակողս, դատաւորք ի կաշառս եւ յանիրաւ դատաստանս, կրօնաւորք թողուն զանապատս և զմենաստանս, եւ յաշխարհի զբազմունս դէ-գերին եւ շրջին ընդ փողոցս, եւ ի մէջ կանանց, ատեն զաղօթս եւ թողուն զկարգս կրօնաւորութեան իւրեանց, սիրեն զվարս աշխարհի եւ զհետ երթան դովեստից մարգկան, որոճալով որոճեն զդիւական երգս... այլև իշխանք պիւլծ եւ մեծ ախտիւ յանդգնեալ եւ մոլորեալ... միշտ եւ հանապազ ի գինարբուսն զեգերին վասն սիրոյ եւ ցանկութեան... Հայրապետք եւ եպիսկոպոսոնք եւ քահանայք եւ կրօնաւորք արծաթասէր»... և այլն: Այսպիսի մոայլ գույներով է նկարագրում 11-րդ դարի հայ հասարակությունը Կողբոնը, և ապա շարունա-կում է. «Եւ ահա յայսմհետէ քաղում հերձուածր մտանեն յեկեղեցի... Յաղազս արծաթոյն թողուն ի քաց զհաւատն... Վասն զի մեղսասէրք և ցանկացողք լի-նելոց են... Առաջնորդք և իշխանք լինելոց են չաշառասէրք եւ ստախօսք եւ սուտերդմունք, եւ ի ձեռս կաշառացն թիւրեն զդատաստանս իրաւանցն ալքա-տին... իշխանք եւ դատաւորք պոռնկասէրք... և ատեցողք... Մեծարեն զմատ-նիշսն և զգողսն, յափշտակեն անիրաւբար զաշխատողաց գինչսն... Յաղազս արծաթասիրութեան տան ձեռնադրութիւն քաղում ունարժանից, եւ զամենայն պղծեալսն ածեն ի կարգ քահանայութեան... Բազումք ի քահանայից ի կրօ-նաւորաց... լինելոց են ցանկասէրք, ախտից փափաղողք, որոճալով որոճեն զԵրգս դիւական... Յղփանան առաջնորդք աշխարհի արծաթասիրութեամբ»:

Այս վկայությունից պարզ երևում է. թե ինչ շափերի են հասել բարբերի ալյուսեռությունը, թե ինչպես արծաթի համար անառակությունը, մատնիշու-թյունը, ավազակությունը մեծարվում էին իշխանների ու հոգևորականների կողմից: Հոգևորականների ձեռքով հափշտակվում էր աշխատավորների ունեց-վածքը, փողի ուժով գողերն ու քրեական հանցագործները ձեռնագրվում էին քահանա և անասելի շահագործման ենթարկում բազմաշարժար ժողովրդիս:

Կղերականության հիերարխիայի ստորին աստիճանների վրա, ինչպես ա-սացիներ, կանգնած էր եկեղեցական անսպառ հարստություններից ու կալ-վածքներից մասն շունեցող, կամ միայն իշխանքնէր ստացող տիրացուների և գյուղական քահանաների բանակը: Նրա մի սասը, շնորհիվ իր գյուղացիական ծագման և կյանքի պայմանների, ավելի մոտ էր կանգնած ժողովրդական զանգվածներին, ուստի այս շրջանի աղանդավորական և սոցիալական շար-ժումներին ժամանակ ցածրաստիճան հոգևորականությունն իր շարքերից տա-լիս էր ոչ քիչ թվով շարժման մասնակիցներ:

Յ—10-րդ դարերում արդեն իրեն զգացնել էր տալիս առևտրական դասը, որն իր տնտեսական կապերով ու դիզած նյութական միջոցներով հանդիսա-նում էր երկրի առևտրի ու փոխանակության կազմակերպիչը և տնօրինողը:

Միատարր չէր նաև այս դասը, նախ հանդես էին գալիս առևտրականներ,

¹ Մ. Ս. Կ. Ե. Ե. ի. «Ժամանակագրութիւն», Վաղարշապատ, 1898, էջ 33—35, 69, 71:

որոնք ամենօրյա սերտ կապերի մեջ էին արևելյան և արևմտյան մի շարք երկրների հետ։ Նրանց առևտրական գործարքների ոլորտի մեջ էին մտնում Բյուզանդիան, Միջագետքը, Եգիպտոսը, Պարսկաստանը և անգամ հեռավոր Հնդկաստանն ու այլ երկրներ։ Դրանց կողքին կար միջին առևտրականների մի ստվար խավ, որոնց առևտրական կապերն ու գործարքները չէին դուրս գալիս ներքին շուկայի սահմաններից և պարփակվում էին քաղաքով ու շրջակա գյուղերով։

Առևտրական աշխույժ հարաբերությունների պայմաններում, երբ դրամը զգալի ուժ է դառնում տնտեսության բոլոր ճյուղերում, առևտրականությունը, ինչպես առիթ ենք ունեցել արդեն նշելու, միաժամանակ զբաղվում է վաճառ- ությամբ։ Հաճախ նրա հյուսած ոստայնի մեջ են ընկնում նաև մանր ազնվա- կանության (երբեմն անգամ՝ խոշոր կալվածատերերի) ներկայացուցիչները, որոնք շքեղ ու շվայտ կյանքով ապրելու համար, ստիպված էին լինում եր- բեմն նույնիսկ գրավ դնել իրենց կալվածքների մի մասը, իսկ երբեմն անգամ վաճառել։ Սակայն երկրի քաղաքական կյանքում առևտրականները խաղում էին շափազանց ցածր դեր, համեմատած իրենց տնտեսական դիրքի հետ։ Նրանց ունեցվածքն ու կարողությունը ուժեղ ֆեոդալի կողմից բռնագրավվելը վտանգից զերծ չէր և սրի ու իշխանական բռնության առաջ շատ հաճախ տեղիք էր տալիս։ Առևտրականները, որպես ֆեոդալական հարաբերություն- ների ծոցում աճած նոր դաս, շահագրգռված էին և ձգտում էին ստեղ- ծել իրենց կուտակած հարստությունները հանգիստ ու խաղաղ վայելելու սոցիալ-քաղաքական պայմաններ, ուստի և մասնակցություն ունենալ երկրի կառավարման գործում։

Հայաստանի քաղաքներում իշխող դասերի հետ մեկտեղ կենտրոնանում էր նաև արհեստավորությունը, որը սպասարկում էր ներքին ու արտաքին շու- կան քարձր արվեստով արտադրված ապրանքներով։ Արհեստավորության մեջ նույնպես նկատելի է շերտավորում։ Վարպետներն իրենց շահագործող և իշ- խող դիրքով, ենթավարպետները սահմանափակ իրավունքներով, իսկ աշա- կերտները վարպետներից և ենթավարպետներից կախյալ վիճակի մեջ, են- թակա էին ծանր շահագործման և իրավազրկության։ Ակադեմիկոս Ն. Յա. Մառի Անիում կատարած պեղումների արդյունքները և հետագա հետազո- տությունները հիմք են տալիս ենթադրելու համքարությունների առկայության մասին Հայաստանում, սակայն արհեստավորական համքարությունների ներ- քին կյանքի, նրանց տնտեսական վիճակի ու քաղաքական դիրքի մասին, նա- մանավանդ մեզ հետաքրքրող ժամանակաշրջանում, դեռևս շատ խնդիրներ մնում են շուսումնասիրված և առեղծվածային վիճակում։

Բազրատունիների շրջանում նկատելի է դառնում, ստվարանում է հա- սարակության այն շերտը, որը զրկվելով ունեցվածքից և շունենալով որոշ պրոֆեսիա, թափառական կյանք էր վարում և քաղաքներում մուրում աշխա- տանք ու հաց։ Նրանց մի մասն իրոք կարողանում էր սեագործ աշխատանքի վարձվել՝ քաղաքներում շինարարություններ էլ վրա, գյուղերում գյուղատնտե- սության աշխատանքների եռուն օրերին, սակայն՝ մեծագույն մասն իր դառն կյանքը գլխավորապես անց էր կացնում մուրացկանությամբ։

Նախկին ֆեոդալական քաղաք-ամրությունը աստիճանաբար փոխում էր իր կերպարանքն ու դառնում հիմնականում առևտրի ու արհեստագործության

կենտրոն: Քաղաքներում ստեղծվում է դեմոկրատիկ հոսանք ֆեոդալների և իշխանների դեմ: Անիում և, կարելի է ենթադրել, նաև Հայաստանի մի շարք այլ քաղաքներում, Բագրատունիների վերջին շրջանում սաղմնավորվում և շառաչ է գալիս քաղաքային ինքնավար կյանք, քաղաքային ինքնավարություն, քաղաքների ավագների գլխավորությամբ և օրենսդրական իշխանությամբ՝ քաղաքի սահմաններում»¹

Քաղաքի կառավարողը, նրա ներքին գործերը տնօրինողը, արդեն ոչ թե ֆեոդալն էր կամ իշխանը, այլ ավագների խորհուրդը:

«Ավագները խորհուրդը վարում էր քաղաքի բոլոր գործերը», — գրում է միջնադարյան հայկական քաղաքների ներքին կյանքի լավագույն գիտնական ակադեմիկոս Ն. Մառը:

Ինքնըստինքյան հասկանալի է, որ քաղաքների ավագների խորհուրդն այն նոր ուժն էր, որ գալիս էր այդ շրջանում մասնակիորեն փոխարինելու ֆեոդալական կառավարման ձևին: Թեև մենք չունենք ավագների խորհրդի ծագման ու իրավունքների ձեռք բերման համար մղված դոտեմարտերի մասին մանրամասն տվյալներ, բայց եղած նյութերը հնարավորություն են տալիս կռահելու, որ այդ պայքարը նորի և հնի միջև, արդեն առկա էր Բագրատունիների թագավորության վերջին շրջանում: Զարդացող առևտրա-արհեստավորական դասը, սոցիալ-տնտեսական նոր հարաբերությունների հետևանքով ձգտում էր դուրս գալ քաղաքական լայն ասպարեղ և ի հաշիվ ֆեոդալների՝ նոր իրավունքների տեր դառնալ: Քաղաքային ավագների խորհրդում առևտրականներն էին գերիշխում, թե արհեստավորները, այդ չէ՛ նաև, էականը կառավարման նոր ձևն է, մի ձև, որն ավելի լայն դեմոկրատիկ խավերի ցանկության արտահայտությունն է և արդյունք է ֆեոդալական հարաբերությունների եթե ոչ փլուզման, ապա անտարակույս՝ խարխիլման, որը արդեն հանդես էր գալիս 11-րդ դարի կեսերից:

Որպես ազնվականության և կղերականության հակոտնյա և ընդդիմադիր ուժ, քննարկվող ժամանակաշրջանում ամենաշարքաշ ու դաժան պայմաններում ապրող, և անլուր շահագործման 'ինթակա աշխատավոր գյուղացիությունն էր, մի դասակարգ, որը իշխող դասակարգին (նախարարներին ու իշխաններին, եպիսկոպոսներին ու արքեպիսկոպոսներին, վարդապետներին, առևտրականներին ու վաշխառուներին) գերակշռում էր ոչ թե ունեցվածքով ու հողային տարածություններով, այլ քանակով: Այդ ուժի, գյուղացիության արյան ու քրտինքի միջոցով էին ստեղծվում երկրի ողջ բարիքները, թագավորների ու նախարարների, կաթողիկոսների ու մյուս հոգևորականների գեղի ու փարթամ կյանքը:

Գյուղացին պատկանում էր թագավորի՝ն, իշխանի՝ն, թե եկեղեցուն, այդ հիմնականում միևնույնն էր, ամեն տեղ նրա հետ վարվում էին իբրև մի քաշող անասունի: Տարվա զգալի մասը նա սլարտադիր կերպով անց էր կացնում իր տիրոջ կալվածքի վրա ու մշակում նրա անծայրածիր հողամասերը:

Այդ դեռ բոլորը չէր. բացի սովորական կոռային ծառայությունից գյուղացին իր համար կատարած աշխատանքի արդյունքից, պարտավոր էր վճա-

¹ Ն. Մառ, «Անի», էջ 63:

² Նույն տեղը:

րէլ կալվածատիրոջը՝ հողավարձ, եկեղեցուն՝ տասանորդ, թագավորին՝ ցըլ-խահարկ և բազմաթիվ այլ ուղղակի և անուղղակի հարկեր:

Դյուղացին իր ունեցած թռչուններից և մանր ու խոշոր եղջերավոր անասուններից, տարին մեկ երկուսը, երբեմն էլ մի քանիսը ուխտագնացութիւնների ժամանակ, կամ եկեղեցական հատուկ տոներին պետք է զոհաբերեր հանուն այս կամ այն սրբութեան: Այդ բոլորի հետ միասին նա չէր կարող ամուսնանալ և ոչ էլ մեռնել առանց տիրոջը և եկեղեցուն մի բան վճարելու: Անիում թաղման և պսակի համար քահանաները ստանում էին 100 դրամ, դեռ չհաշված այն հոգեհացը և լրացուցիչ ծախսերը, որը պարտավոր էր անել մեռելատերը կամ ամուսնացողը, համաձայն եկեղեցու կողմից սահմանած կանոնների¹:

Վալվածատերերի կամ հոգևորականների իշխանութիւնը կամայականորեն տարածվում էր ոչ միայն գյուղացու սեփականութեանը, այլև անձի վրա: Իշխանն ու եպիսկոպոսն, ըստ իրենց քմահաճույքի, կարող էին գյուղացուն բանտ նետել, մարմնական պատիժների ենթարկել, խաբանել և այլն: Ծնշված, իրավազուրկ գյուղացին անպաշտպան էր գյուղում, նրան դատ տեսնողներն ու պաշտպանները նույն շահագործողներն էին կամ նրանց ներկայացուցիչները:

Նույնիսկ այն դեպքում, երբ գյուղացու ձեռքից բռնի ուժով խլվում էր նրա ունեցվածքը, նրա շնչին հողակտորը եկեղեցու հողաբաժինների կլորացման համար, նա չէր կարող պաշտպանութեան դիմել, քաջ պիտակցելով, թե ում կույմն են բռնելու «արդարադատութեան» պաշտպանները:

Չնայած այդ ծայր աստիճան իրավազուրկ ու անտանելի դրութեանը, գյուղացիութիւնը, այնուամենայնիվ, անկարող էր դիմելու համընդհանուր ապստամբութեան ընդդեմ տիրող ֆեոդալական հարաբերութիւնների: Դյուղացիների ծվատված ու անջատ վիճակն անիրագործելի էր դարձնում միասնական ելույթը: Միաբան հանդես գալուն խանգարում էր գյուղացիութեան տգիտութիւնն ու դասակարգային իր շահերի անտեղյակութիւնը:

Եկեղեցին, դարեր շարունակ մթազնելով աշխատավորութեան ուղեղը, քարոզում էր հնազանդութիւն տերերին և հլու-հպատակութիւն: Այդ քարոզները, հանդերձյալ դատաստանի սարսափների հետ զուգորդված, անշուշտ ունենում էին իրենց բացասական հետևանքները և ծառայում էին տիրող դասակարգերի օգտին: Այս դեռ բոլորը չէր: Դյուղացիութիւնն ի վիճակի չէր միացյալ ապստամբութիւն բարձրացնելու նախ և առաջ այն պատճառով, որ նրա դեմ ծառացած էր նախարարների, իշխանների, հոգևորականների միասնական ուժը: Անշուշտ ֆեոդալական հարաբերութիւնների դեմ օպոզիցիոն դիրք էին բռնել նաև առևտրականներն ու արհեստավորութիւնը, սակայն նրանց շահերը և նպատակները տարբեր ու հակադիր էին: Առևտրականները ձգտում էին ոչ թե գյուղացիութեան դրութիւնը թեթևացնել, այլ ավելի լայն մասշտաբով ու հնարավորութիւններ ստեղծել նյութական միջոցներ կուտակելու համար, վերջին հաշվով, դարձյալ նույն գյուղացիութեան զրկանքների գնով: Այդ է պատճառը, որ ամբողջ միջնադարյան Հայաստանում մենք տեսնում ենք գյուղացիական տեղական ըմբոստացումներ, հուզումներ ու զինված

¹ Տես պրոֆ. Ն. Զավախիշվիլի, «Նյութեր Հայաստանի սոցիալական շարժումների պատմութեան համար», 1937 թ., էջ 30:

ելույթներ, բայց համազգային գյուղացիական և ոչ մի ապստամբության մենք չենք հանդիպում:

Այսպիսով 9—11-րդ դարերի Հայաստանի սոցիալ-տնտեսական կյանքում սրվել էին հարաբերություններն իրար հակադիր, հիմնականում երկու բանականների միջև, ֆեոդալական բանակ (ազնվականություն, կղերականություն) և դեմոկրատական բանակ (առևտրականություն, արհեստավորություն և գյուղացիություն):

Այդ հիմնական երկու իրարամերժ բանակները միատարր չէին, ներդասակարգային սուր բախումների պարարտ հող էր ստեղծվել բանակներից յուրաքանչյուրի, և հատկապես իշխող բանակի շարքերում: Այդ դասակարգային հակամարտություններն իրենց զգալ էին տալիս մերթ քողարկված ձևով, միստիքական շղարշի տակ, մերթ ֆեոդալական հարաբերությունների ու իդեոլոգիայի բացարձակ ժխտումով, իսկ երբեմն նաև զինված, բայց տեղական մասշտաբի գյուղացիական ելույթներով:

Ավելի քան 150 տարի, 9—11-րդ դարերի ընթացքում, հայ ֆեոդալական բանակը ապրում էր ահ ու սարսափի մեջ գյուղացիական այն հուզումներից ու շարժումներից, որոնք աղանդավորական պաղափարների քողի տակ մղվում էին հանուն արդարացի սոցիալ-տնտեսական հարաբերությունների, հանուն գյուղացիության ծանր վիճակի բարելավման: Այդ շարժումները հանդես են եկել թոնդրակեցիների շարժման անվան տակ:

* * *

Միջնադարյան գյուղացիական շարժումների հիմնադիրների և ղեկավարների մասին վստահելի, ստույգ տեղեկություններ մեզ չեն հասել: Ավելի քան հազար տարի շարունակվող ու ծավալվող թոնդրակեցիների շարժման հիմնադիրն ու գաղափարախոսը, ըստ մեր բոլոր պատմիչների ու աղբյուրների, հանդիսանում է ոմն Սմբատ, Ծաղկոտն դավառի Զարհալան գյուղից:

Ստեփանոս Տարոնեցի (Ասողիկ) Սմբատի մասին գրում է.

«Յաւուրս սորա (Յովհաննիսի կաթողիկոսի Դրասխանակերտցոյ) հրեցաւ Սմբատ Թոնդրակաց առաջինն ի չարհաւան գեղջէ, ի Ծաղկոտն պաւառէ, հակառակ ամենայն քրիստոնէական կարգաց»:

Գրիգոր Մագիստրոսն իր թղթերում լուտանքներ թափելով Սմբատի հասցեին գրում է. «Սմբատն այն, որ զկնի նորա շունք եւ գայլք առանց քահանայութեան կերպիւ քահանայի, եկեալ ի պաւառէդ Ծաղկոտնէ ի գեղջէ Զարհաւանէ, եկեալ բնակեցաւ ի Թոնդրակս եւ ուսուցանել սկսաւ զամենայն շորիս թուր»¹:

Իսկ Մխիթար Այրիվանեցի համարում է նրան «Սմբատ Արլարայ», ասելով, որ — «Սա է նախկին թոնդրակեցոց աղանդին»²:

Մոտավորապես նույնն են ասում Սմբատի մասին բոլոր այն մատենագրերը, որոնք իրենց գրություններում կանգ են առել թոնդրակեցիների շարժման վրա կամ անհրաժեշտ են գտել խոսել Սմբատի և նրա հետևորդների մա-

¹ Ստ. Տարոնեցի, «Գատութիւն տիեզերական», Ս. Գեաթրուրգ, 1888 թ., էջ 160:

² Գ. Մագիստրոսի «Թղթեր», Ուիլսոնգրոպու, 1910 թ., էջ 183—184:

³ Մ. Այրիվանեցի, «Գատութիւն Հայոց», Մոսկվա, 1880 թ., էջ 84:

սին: Դժբախտաբար Սմբատի մասին կենսագրական ուրիշ մանրամասնություններ, որոնք հնարավորություն կտային մեզ պարզելու այդ վերին աստիճանի հետաքրքրական մեծ գործիչ և գաղափարախոսի կերպարը, մեղ չհաջողվեց գտնել: Չնայած այդ բոլորին, քննելով պատմիչների բոլոր հայհոյական արտահայտություններն իր ժամանակի այդ ուղուցիոն գործիչ հասցեին, մենք եկանք այն համոզման, որ հանձինս նրա գործ ունենք միջնադարի խոշոր գործիչներից մեկի հետ: Մի գործիչ, որի կատարած գործի մասին որքան էլ սոշլատել են քիչ խոսել ու շատ հայհոյել կղերա-ֆեոդալական պատմիչները, այնուամենայնիվ ստիպված են եղել աղավաղված ու դիտավորյալ խեղաթյուրված ձևով ներկայացնել նրա քարոզած ու իրագործած ամենաէական գաղափարները: Կարիք չկա ասել, որ անեծքների ու լուտանքների միջից պատմական ճշմարտությունը վեր հանելու համար անհրաժեշտ է եղել բավական աշխատանք կատարել սկզբնաղբյուրների վրա: Սմբատ Զարեհավանցու ծննդյան մոտավոր թվականը որոշելու համար, ելակետային ժամանակամիջոց են 9-րդ դարի 90-ական թվականները, 890-ական թ. թ., երբ Սմբատն արդեն քարոզում էր նոր ու առաջավոր գաղափարներ, ուստի բնական է ենթադրել, որ այդ ժամանակ նա արդեն հասակն առած մարդ պետք է լիներ: Սմբատի գաղափարների ուսումնասիրությունը ցույց է տալիս, որ նա կյանքի մեծ փորձ և հարուստ գիտելիքներ ունեցող մի գործիչ էր, իսկ այդպիսին դառնալու համար անհրաժեշտ էր երկար տարիներ ի համառ աշխատանք: Ուստի շենք սխալվի, եթե ենթադրենք, որ նա 890-ական թվականներին հասուն մի մարդ էր շուրջ 35—40 տարեկան, այլ խոսքով՝ Սմբատը ծնված պետք է լինի 9-րդ դարի 50-ական թվականներին: Նրա ծննդավայրի մասին մեզ հասած տեղեկությունները միասնական են, բոլոր պատմիչներն էլ Սմբատի ծննդավայրն են համարում Զարեհավան գյուղը, Ծաղկոտն գավառում, Ծագմամբ պետք է, որ գյուղացի կամ «ազատ» դասին պատկանող մեկը եղած լինի, որովհետև իշխանական կամ հոգևորական ծագում ունենալու փաստը որևէ կերպ կարձանագրվեր պատմիչների կողմից:

Սմբատ Զարեհավանցին դեռ պատանեկական հասակից իր ծննդավայր Զարեհավան գյուղում հնարավորություն ուներ ականատես լինելու այն անլուր հալածանքներին, որին ենթակա էր հայ աշխատավոր գյուղացիությունը օտարների, սեփական ֆեոդալների և եկեղեցու կողմից: Ինչպես երևում է, Սմբատը չկարողանալով տանել գյուղի ծանր պայմանները, հեռանում է հայրենի գյուղից, որոշ ժամանակ վարում է թափառական կյանք և ավելի մոտից ծանոթանում ժամանակի դասային, դասակարգային հարաբերություններին և գյուղացիության վիճակին:

880-ական թվականներին գալով Ապահունյաց գավառի Թոնդրակ գյուղը, Սմբատ Զարեհավանցին քարոզում էր իր նոր գաղափարները, ուղղված առաջին հերթին ֆեոդալական դասակարգի բոլոր անարդարությունները սրբագործող, շահագործողներին հովանավորող եկեղեցու և կղերականության դեմ: Ինչ գաղափարներ էր քարոզում Սմբատ Զարեհավանցին, ինչ հարցին պատասխան տալու համար մենք ունենք հիմնականում երեք սկզբնաղբյուր, դրանք են Գրիգոր Նարեկացու թուղթը ուղղված Կճավա վանքի միաբաններին, Գրիգոր Մաղիստրոսի մեզ ծանոթ նամակները և Արիստակես Լաստիվերտցու Հայոց պատմությունը:

Օժանդակ ու ստուգիչ աղբյուրներ են ներսես Շնորհալու «Թուղթ ընդհանրական»-ը, Ստեփանոս Սրբելյանի «Բան դիմադրական ընդդէմ հերձուածոցն» աշխատությունը, Պողոս Տարոնացու դավանաբանական գրվածքն ընդդէմ քաղկեդոնականության և մի շարք այլ հեղինակների մոտ պահպանված թուցիկ տեղեկություններն ու ակնարկները:

Հեշտացնելու համար Սմբատի ու նրա հետևորդների հիմնական գաղափարների ուսումնասիրությունը, մենք ստորև հատվածաբար մեջ ենք բերում վերոհիշյալ հիմնական աղբյուրներից անհրաժեշտ մասեր.

1. Գրիգոր Նարեկացի. «Թուղթ»... զոր զլեաց ի հոյակապ ուխտն Կճոււայ, վասն կարծեացն անիծելոց Թոնդրակեանց...» (Դիրք թղթոց, էջ 498—499):

«Բազում ինչ աստուածային եւ առաքելական ամենայն ինչ ուրացեալ է ի նոցանէ, եւ խափանեալ յաստուածային կարգաց: Ա. ձեռնադրութիւնն, զոր առաքելքն ի Քրիստոսէ ընկալան: Բ. Եւ հաղորդութիւն մարմնոյն նորա՝ զոր աւաց առաքեալ, եթէ զհացն հաղորդութեան ճաշակելով, գնոյն ինքն զԱստուած միացեալ ի մարմնի ընդունիմք եւ ճաշակեմք, զոր Սմբատ հասարակաց կերակուր զսարսափելին վարդապետաց: Գ. Եւ զծնունդն հոգեւոր երկանցըն, որ ի ջրոյ եւ ի հոգւոյ, ծանուցեալ, թէ որդիս Աստուծոյ գործէ, ջուր ինչ լուալեաց գնոյն նոցին ուսոյց: Դ. Եւ զաւրհնաբանեալ զսուր կիրակէն յորում արար (Աստուած) զլոյսն առաջին... Ե. Զծնրադրութեան խորհրդական պաղատանս, զոր ինքն արարիչն ամենայնի (Յիսուս Քրիստոս) խոնարհեալ կրրընկենեաց: Զ. Թէ գաւազանն ուրացեալ ի նոցանէ, յորում ինքն Քրիստոս մկրտեցաւ, է. Թէ զհաղորդութիւն անմահութեանն, զոր ինքն բոլորից Տէրն ճաշակեաց: Ը. Թէ զմօղնեական անխտիղ պղծութիւնն, զոր Տէրն զհայեցումն արգելեալ խտրեաց: Թ. Թէ զնշանն երկրապագեալ, զոր Աստուածն մարդացեալ յուսն իւր բարձեալ կրրեաց իբր զփառս ինքեան եւ զիշխանութիւն: Ժ. Թէ զմարդապաշտ ուրացութիւնն, որ գարշելի է եւ անիծեալ քան զկռապաշտութիւն: Ժա. Թէ զինքնաձեռն քամահանաց քահանայութիւն, որ սատանայի է նմանութիւն: Ժբ. Թէ զպսակին ամուսնութեան անգոսնութիւն, որ Տէրն ինքեան սքանչելեալ, եւ մարքն իւրով Աստուածածնաւ յարգեաց եւ պատուեաց, զպսակն անգոսնեն, եւ զոր սիրով մերձենան յիրեարս, կատարեալ սլր համարին և յԱստուծոյ, եւ հաճոյ Քրիստոսի, թէ՛ Աստուած սէր է և զսիրով միաւորելն կամի եւ ոչ զպսակ: Ժգ. Թէ զերախայրեացն կատակերգական երգիծանութիւնն, զոր Աբէլ և Նոյ, եւ Աբրահամ, եւ Դաւիթ, եւ Սողոմոն, եւ Լիզիայ աստուածային բարկութեան ցուցին հաշտարարութիւն: Ժդ. Թէ որ զգրլխաւորն աղանդին իւրեանց գարշութեանն հանդգնեալ Քրիստոս անուանեն...»

2. Գրիգոր Մագիստրոս. Թուղթ Կէ՛ Պատառխանի թղթոյն կաթողիկոսին ասորւոց» (Գրիգոր Մագիստրոսի թղթերը, էջ 154):

«Եւ քարոզէր (Սմբատ) զբոլոր քահանայական ներգործութիւնս ոչնչացանել, մանաւանդ եթէ սնոտի վարկանել. և նստէր բաղրաղանօր իբրեւ զքահանայապետ. եւ ոչ իշխէր յայտնի եպիսկոպոսունս իւր ձեռնադրեալ կսմքահանայս կամ սարկաւագունս կամ օրհնութիւնս իւղոց, այլ ասէր ոչ այլ ինչ է այդ. բայց վասն խաբելոյ ժողովրդեանն, ի գաղտնի լուծելոց եպիսկոպոսացն եւ յարտաքսելոցն գիշերի զանարժան ձեռնադրութիւն ոչնչացնելով առ-

նեն, եւ զիւլն սրբազան, որ ի կատարապետողէ անտի բաշխի, խառնեալ իմն արհամարհելով զնա, եւ ծաղր առնելով, կատականս առնեն»¹

«Որք ասէին, եթէ մեք ոչ եմք նիւթապաշտք, այլ աստուածապաշտք, եւ զխաչ և զեկեղեցի եւ զզգեստ քահանայի եւ զպատարագագործութիւն, զայսոսիկ ոչինչ համարիմք, այլ զխորհուրդ նոցա»²

«Եւ այսինչ են անօրէնութիւնք շարագործացն այնոցիկ, ոչ պահք նոցա, եթէ ոչ երկնչին, յայտնի եւ ոչ խտրութիւնք արանց եւ կանանց եւ ոչ ընտանեաց. թեպէտ և ոչ յայտնապէս համարձակին եւ ոչ պատուէն եւ ոչ զմի ինչ ոչ յաստուածայնոց եւ ոչ յեղելոց, այլ զամենայն ծաղր առնեն՝ զհին եւ զնոր օրէնս»³

3. Արիստակէս Հաստիվերտցի, Պատմութիւն Հայոց (գլուխ ԻԳ, «Թէ որպէս ի Մանանաղայ սահմանսն բորբոքեցաւ հրդեհ մոլորութեանն»), էջ 162:

«Բայց զնոցա Մծղնէ դգործն անպատշաճ համարեցաք ընդ գրով արկանել. քանզի կարի աղտեղի է. եւ զի ոչ ամենայն ոք պնդակազմ և լսելօք, բազմաց մեղացն յիշատակ՝ ի խաղտանս ձգէ զլսօղսն, և ի կատարումն գործոյն իսկ ածէ. վասն այսորիկ եւ ես խոյս ետու յայնմանէ: Այլ որ յայտնի է ի սոսա, և մեզ ասելի է՝ այսոքիկ են: Զեկեղեցի և զեկեղեցոյ կարգավորութիւն բնաւ ոչ ընդունէին, ոչ զմկրտութիւն, և ոչ զմեծ և զսարսափելի խորհուրդ պատարագին, ոչ զխաչ և ոչ զկարգաւորութիւն պահոց: Այլ մեք ճշմարիտ հաւատացեալքս սրբոյ երրորդութեանն պինդ կալցուք զխոստովանութիւն անշարժ յուսոյն, զոր ուսար ի սուրբ հարցն, և ի նոցա աստուածուրաց ժողովոյն ի բաց դարձուցուք զերեսս, անէծս ի վերայ նոցա առաքելով»:

Ինչպես դժվար չէ համոզվել վերոհիշյալ աղբյուրների նույնիսկ հարևանցի քննությունից, դրանց հեղինակները (Գր. Նարեկացի, Մագիստրոս, Ար. Հաստիվերտցի), ինչպես և նրանց կրկնող այլ կղերա-ֆեոդալական պատմիչներն ու մատենագիրները, շարադրել են Մաբատ Զարեհավանցու և նրա հետևորդների գաղափարները աղավաղված ու միտումնավոր՝ նենգափոխած ձևով: Ապա շարադրել են միայն այնպիսի գաղափարները, որոնք ընթերցողների համար «վտանգավոր» չէին, այսինքն՝ կարգալուծ ու ծանոթանալով այդ գաղափարներին, ընթերցողները չէին «մոլորվի» հայ եկեղեցու և գաղափարական, և սոցիալական հիմքերը խարխուղ այդ գաղափարների ազդեցության ներքո: Ուստի նրանք լուրջ են և թոնդրակեցիների ու նրանց գաղափարական հիմնադրի սոցիալական և տնտեսական դրույթների մասին չեն անում նույնիսկ որևէ ակնարկ: Նրանց հաղորդած դրույթները հիմնականում վերաբերում են այդ ուղուցիոն շարժման դավանաբանական կողմին, որոշ դեպքերում միայն բարոյական ուսմունքին, մի հանգամանք, որ չափազանց դժվարացնում է մեզ շատ ավելի հետաքրքրող հարցերի լուծումը: Այդ հարցերն են՝ ի՞նչ վերաբերմունք ունեին թոնդրակեցիները տիրող դասակարգերի հանդեպ, ինչպե՞ս էին կազմակերպված նրանց համայնքները, արդյո՞ք ընդունում էին նրանք մասնավոր սեփականությունը, թե ապրում էին որպես ժողովասարներ և այլն:

¹ Գ. Մագիստրոսի «Թղթեր», էջ 154:

² Նույն տեղում, էջ 157:

³ Նույն տեղում, էջ 160-161:

Չնայած աղբյուրների նշված թերութիւններին, մենք կաշխատենք մեր ուժերի ներածին չափով պատասխանել վերոհիշյալ և հարակից մի շարք այլ հարցերի:

Սմբատ Զարեհավանցին առանց որևէ վերապահութեան ժխտում էր եկեղեցու անհրաժեշտութիւնը:

Հայ եկեղեցին, ինչպես մենք արդեն առիթ ենք ունեցել նշելու, ամենախոշոր կալվածատերը լինելով հանդերձ, միևնույն ժամանակ տիրող ֆեոդալական հարաբերութիւնների սրբազործողն էր և ժողովրդի վզին նստած սահագ տգրուկի նման քամում էր նրա ողջ կենսական հյութերը: Բր թալանչիական իրավունքը եկեղեցին հիմնավորում էր տեսական հետևյալ դրույթով. բոլոր մարդիկ հակված են դեպի մեղքը և ամեն քայլափոխում (նամանավանդ սոցիալ-տնտեսական սուր բախումների այդ էպոխայում) շեղվում են աստծո և նրա եկեղեցու կողմից գծված ուղիղ ճանապարհից, որն առաջնորդելու է նրանց դեպի հանդերձյալ երանութիւն: Գործած հանցանքները քաղելու, որով և դրախտի փակված դռները ցանկացած մարդու առաջ բանալու իրավունքը վերապահվում է եկեղեցու պաշտոնյաներին, որոնք կարգված են ի վերուստ որպես միջնորդ մարդկանց և աստծու միջև: Եկեղեցու պաշտոնյաներն իրավասու են իրենց աղոթքներով ու պատարագներով քաղել մարդկանց հանցանքները և ապահովել նրանց անդրաշխարհային վայելքները: Հասկանալի է, որ միջնադարի այս «ծանր» պարտականութիւնները եկեղեցու պաշտոնյաները ձրի չէին կարող կատարել: «Աստծու տոբնր» շեն պահելու, այլ խոսքով՝ իրենց անձնական անբարոյական ու զեխ կյանքն ապահովելու նպատակով կղերականութիւնը, բացի եկեղեցու համար գանձվող ամենածանր հարկից (տասանորդ), թալանում էր ժողովրդին ամեն մի հարմար առիթի, կյանքի բոլոր քայլափոխներին: Երեխա ես կնքում՝ պետք է վճարես եկեղեցուն, հարսանիք ես անում՝ պետք է վճարես, մեռել ես թաղում՝ պետք է վճարես, մեղքերիդ թողութիւն ես հայցում՝ պետք է վճարես...¹

Սմբատ Զարեհավանցին և իր համախոհները, ընդհակառակը, իրենց պայքարի ամենասուր ծայրն ուղղում էին եկեղեցու դեմ, որպես ֆեոդալական կարգերի ամենաամուր հենարանի, և հրաժարվում եկեղեցուն ենթարկվելուց, նրան հարկեր ու լուրքեր վճարելուց: Այս ուղուցիւն քայլը նրանց կողմից, ի հարկե, պետք է հիմնավորվեր տեսականորեն, նրանք պետք է հաշիվ տային թե իրենց հետևորդներին և թե թշնամիներին՝ իրենց վարվելակերպի արդարացիութեան մասին:

Ահա կենսական նշանակութիւն ունեցող այս պրոբլեմի շուրջը, որպէս կուռ աշխարհայացք կազմավորվում է թոնդրակեցիների հակաեկեղեցական ուսմունքը:

Սմբատ Զարեհավանցին քարոզում էր, որ ամեն մարդ լինելով ազուտ և անկաշկանդ, կարող է ազատ կամքով ընտրել իր կյանքի ճանապարհը կամ համաձայն աստվածային օրենքների, կամ ընդդէմ այդ օրենքների: Յուրու-

¹ Հետաքրքրական է այս տեսակետից Մատենադարանի № 669 ձեռագրի տվյալը «երիցական հախ»-ի մասին: Այսպէս ասված է. «Յաշխարհուն 6 ստակ, գերեզման որհներն 2—2 ստակ, տուն որհներն՝ 2—3 ստակ, աղջկան պսակ դրամն՝ 35 ստակ... նշան որհներն՝ 6 ստակ, հալափ օրհներն՝ 6 ստակ... կնքադրամն՝ 6 ստակ, մեծ մարդուն հողդրամն՝ 12 ստակ, փոքրին՝ 6 ստակ, հողոյ մորթածին և մատաղին՝ կաշին, մորթին և երին և մեռելին դանձին՝ հալափ և դնեքքենոցն և դմբանոցն...» (Զեռ. № 669, 172 ա):

քանչյուր անհատ ինքն է պատասխանատու իր արարքների համար և ինքնին, առանց կողմնակի միջնորդության, այսինքն՝ առանց սովորաթիվ պորտաբույծ կղերականների օդնության, կարող է վաստակել անդրաշխարհային վայելքները ճաշակելու իրավունք:

Ուստի՝ եկեղեցին ավելորդ է:

Ուստի՝ անընդունելի են եկեղեցու խորհուրդները:

Մկրտությունը, որով մանուկն ընդունվում է եկեղեցու գիրկը, մի սովորական լվացում է և ոչինչ չունի խորհրդավոր. ավագանը սովորական ջրաման է և ոչնչով չի նպաստելու կնքվողին և այս, և մյուս աշխարհում: Այս դրույթից հետևում է, որ եկեղեցին մկրտության պատրվակով այլևս իրավունք չպետք է ունենա դիզել հսկայական նյութական արժեքներ ու դրամ:

Պսակի և ամուսնության մեջ եկեղեցին ոչ մի իրավունք չունի խառնվելու, այդ առիթով արվող ծեսերն ու արարողություններն անիմաստ են, հետևաբար և ավելորդ. ամուսնության հիմքում պետք է ընկած լինի զույգերի փոխադարձ սերն ու համաձայնությունը: Այստեղից հետևում է, որ եկեղեցու պաշտոնյաները զրկվելու են իրենց հասույթների նաև մյուս կարևոր աղբյուրից:

Հաղորդությունը և ողջ պատարագը դատարկ ու սնոտի արարողություններ են և ոչ մի օգուտ չեն բերում հավատացյալներին: Թոնդրակեցիների առաջնորդներից Կյուրեղը (ըստ Մխ. Ապարանցու) Սմբատի անմիջական աշակերտներից մեկը՝ վերցնելով հաղորդության խմորը թրջում էր հաղորդության ռինու մեջ, դեն էր նետում ասելով. «Այդ է խաբեութիւն քրիստոնէից»:

Աստծուն ձոնվող նվերները (երախայրիք)՝ մատաղը, հոգեհանգիստը, հոգեդրամը միայն մի իմաստ ունեն, նրանց միջոցով եկեղեցու պաշտոնյաները հնարավորություն են ստանում ավելի փարթամ ու շվայտ կյանք վարելու ի հաշիվ մոլորված ժողովրդի, ուրեմն պետք չէ նվերներ ու զոհաբերություններ կատարել:

Թոնդրակեցիների առաջնորդներից մեկը ծաղրելով մատաղի սովորությունը մատաղացու անասունին դիմելով ասում է. «Այ տառապեալ շորքոտանի, թող թէ նա (այն անձը, որի հոգու փրկության համար մատաղ էին մորթելու) զիր ժամանակն մեղս արար և մեռաւ, դու զի՞նչ մեղար, որ ընդ նմա մեռանիս»:³

Նույնպիսի դատողություններով նրանք ժխտում էին ձեռնադրությունը, ծնրադրությունը և եկեղեցում արվող աղոթքները, և պահքը և ողջ եկեղեցական ծեսերն ու արարողությունները:

Այսպիսով Սմբատ Զարեհավանցին ժխտում էր եկեղեցու անհրաժեշտությունը. Սմբատի աշակերտ Կյուրեղն ուղղակի հայտարարում էր, որ «Աստուած ընդ ամենայն տեղիս է», և նրան պաշտելու համար չպետք է մտնել եկեղեցի, չպետք է պաշտել խաչն ու պատկերները, եկեղեցական զգեստներն ու անոթները, որովհետև «մեք աստուածասպաշտք եմք և ոչ նիւթասպաշտք»:⁴

Այս յուրորից բխում է Սմբատի և նրա մերձավոր հետևորդների ուսմունքը:

³ Մխ. Ապարանցի, Աղանդավոր Հայր Թ. ժն դարու (տես Ղ. Ալիշան, Հայագատում, էջ 350):

⁴ Գր. Մագիստրոսի «Թղթեր»-ը, էջ 157:

⁵ Ար. Լաստիվերացի, Պատմ., էջ 147:

⁶ Գր. Մագիստրոսի «Թղթեր»-ը, էջ 157 և Մխ. Ապարանցի, էջ 351:

քի ամենառևոլուցիոն դրույթներից մեկը՝ պաշտոնական եկեղեցու ամբողջական ժխտումը և հայ եկեղեցուց սահմանադատված, անկախ և ուրույն սկզբունքների վրա խարսխված համայնքների ստեղծումը:

Ժխտելով ֆեոդալիզմի հլու սպասավոր եկեղեցին, որպես անարդարացի սոցիալ-տնտեսական հարաբերությունների կրող ու սրբապորժող ինստիտուտ և ստեղծելով իրենց նոր գաղափարական սկզբունքների հիման վրա, թոնդրական գաղափարներն ընդունած ընտանիքների համայնքներ, բնական է, որ Սմբատ Ջարեհավանցու հետևորդները պետք է իրականացնեին այդ համայնքներում ֆեոդալական սոցիալ-տնտեսական իրականությունը հակադիր գույքային ու դասային հարաբերություններ:

Կրկին անգամ շենք կարող չցավել, որ թոնդրականների համայնքների ներքին կյանքի մասին, նրանց թշնամիների կողմից գրված աղբյուրներում, բան չի ասված: Այնուամենայնիվ, որոշ ակնարկներ հնարավորություն են տալիս պարզաբանելու այդ համայնքների ներքին կյանքի մի քանի կողմերը:

Գրիգոր Մագիստրոսը, մեր կողմից բազմիցս վկայակոչած Ասորոց կաթողիկոսին ուղղված թղթում, հայհոյանքների ու լուտանքների հետ մեկտեղ հայտնում է, որ թոնդրականների մոտ չկա «խտրութիւնք արանց և կանանց և ոչ ընտանեացս»¹

Այս շափազանց հետաքրքիր տեղեկությունը քննելուց առաջ անհրաժեշտ է ցույց տալ, որ Մագիստրոսն այս դեպքում ևս հաղորդում է ոչ թե իսկությունը, այլ նենգափոխում է իրական փաստը, իր դասակարգային հակառակորդներին վարկարեկելու և նրանց դեմ ուղղված իր տմարդի հալածանքներն արդարացնելու նպատակով:

Գր. Նարեկացին, ինչպես տեսանք իր մեղադրանքների ԺԲ (12-րդ) կետում, հայտնում է, որ թոնդրականներն անգոսնում են պսակն ու ամուսնությանը «և զոր սիրով մերձենան յիրեարս կատարիս սէր համարին», ասելով. «Աստուած սէր է և սիրով միաւորին կամի և ոչ զպսակ»: Միջնադարյան մի այլ հեղինակ խոսելով թոնդրականների ու այլ աղանդավորների մասին, հայտնում է, որ նրանք թույլ էին տալիս կանանց «ելսնել ի բեմն»²:

Այս երկու վկայություններից պարզվում է, որ թոնդրականները կնոջ և տղամարդու միջև ոչ մի տարբերություն չէին դնում և նրանց կապի միակ հիմքը համարում էին փոխադարձ սերն ու հարգանքը: Արդ, եթե նրանք հավասարեցնում էին կնոջն ու տղամարդուն իրենց իրավունքներով և օրենքի ու աստծու առաջ նրանց դիտում էին որպես իրավահավասարներ, ապա բնական է ենթադրել, որ իրավահավասար էին համարում նրանք իրենց համայնքի բոլոր անդամներին:

Այս ծանոթությունից հետո հասկանալի է դառնում, որ Մագիստրոսից Գերված տեղեկությունը, հակառակ հեղինակի ցանկության (Մագիստրոսի նպատակն է եղել տղամարդկանց և կանանց միջև տարբերություն չդնող թոնդրականներին մեղադրել պոռնկություն մեջ), զալիս է պարզելու թոնդրականների համայնքի անդամների միմյանց հանդեպ ունեցած փոխհարա-

¹ Գր. Մագիստրոսի «Թղթեր»-ը, էջ 100:

² Պոպոս Տարոնացի. Խուդթ ընդդեմ Խնդիստայ, Կ. Պոլիս, 1752, էջ 103:

բերությունների և յուրաքանչյուր իրավական վիճակի կնճռոտ հարյը, Հասկասիս ուշադրավ են Մագիստրոսի վերևում բերված հատվածի վերջին բառերն այն մասին, որ նրանց մոտ չկա խտրություն ընտանիքների մեջ, Հեռաբար այս փաստի հիման վրա կարելի է հանգել միայն մի եզրակացության, այն է թոնդրակյան համայնքի մեջ մտնող ընտանիքներն ու անհատները իրավահավասար էին, ապրում էին տնտեսական սերտ համագործակցությամբ և թերևս իրականացրել էին տիրող ֆեոդալական կարգերի դեմ մղած մարտերում դիմացկուն ուժ ստեղծելու նախապայմաններից ամենագլխավորը՝ արտադրական միջոցների հանրությունը:

Ծիշտ է, վերջին եզրակացության հաստատման համար մեզ չեն հասել աղղակի վկայություններ, սակայն, եթե նկատի ունենանք, որ Ա. Հաստիվերտցին հրաժարվում է թոնդրակեցիների մասին մանրամասն տեղեկություններ հաղորդելուց, վախենալով, որ նրանց գաղափարները, վարակի նման, կտարածվեն ողջ աշխարհում, և եթե վերհիշենք այն արյունահեղ ու դաժան միջոցները, որոնցով հայ ֆեոդալներն ու եկեղեցին գործել են շարժման մասնակիցների նկատմամբ, ապա կհամոզվենք, որ թոնդրակեցիների մասին Հաստիվերտցու և մյուս մատենագիրների կողմից շփոթարարված, լռության մատնած տեղեկություններն առաջին հերթին պետք է հաստատեն նրանց համայնքների համակեցության այս արմատական ուղուցիտ կողմը:

Այսպիսով, Սմբատ Զարեհավանցին, աղատ սիրո և ազատ ամուսնության իր արմատական գաղափարով խախտում է ֆեոդալական հասարակության ծնունդ ֆեոդալական ընտանիքի հիմքերը և քարոզում սեռերի ու մարդկանց նոր փոխհարաբերություններ:

Մարդկանց իրավունքների հավասարեցման հետ միասին նա դնում է ընտանիքների տարբերությունների (իմա՝ սոցիալ-տնտեսական տարբերությունների) վերացման, կամ որ միևնույն է, նրանց հավասարեցման մի գաղափար, որի իրականացման նախապայմանը մասնավոր սեփականության վերացումն ու համայնական սեփականության ստեղծումն է:

Այսպիսի մահացու հարվածներ հասցնելով պաշտոնական եկեղեցուն որպես ֆեոդալական ամենակազմակերպված գիշատիչ հաստատության և ֆեոդալական անարդարացի հարաբերությունների սրբագործող ինստիտուտի, Սմբատ Զարեհավանցին իր հետևորդների հետ մեկտեղ, ինչ խոսք, որ պետք է ստեղծեր նոր կրոն ու հավատք:

Իսկ ինչքան որ արմատական էին նրա սոցիալ-տնտեսական պահանջները, այնքան էլ արմատական պետք է լինեին նրա գաղափարներն ընդդեմ եկեղեցու իդեոլոգիայի և աշխարհըմբռնման:

Սիջին դարերում հերձվածներ շատ են եղել, բայց այդ հերձվածների զգալի մասը հենվելով նույն քրիստոնեական եկեղեցու սուրբ գրքերի (հին և նոր կտակարանների) վրա, համարձակվել են միայն եկեղեցուն հակառակ, այս կամ այն կերպ մեկնել սուրբ գրքի այս կամ այն միտքն ու հատվածը: Սմբատ Զարեհավանցին և նրա հետևորդներն իրենց արմատական սոցիալ-տնտեսական պահանջներով այնքան հեռու էին գնում, որ Գրիգոր Մագիստրոսի արտահայտությամբ ռոչ եթէ ի մինն միայն մեղանչիլն կամ յերկուս, բայց ի բոլոր օրենսդրութիւնս իւրեանց ամենեին արտաքոյ են հին և նոր օրինացս:

«... Այսպէս ոչ եթէ հերձուած դոցա միոյ պատճառի է պամ երկուց կամ երկից, այլ յամենայն շարափառացն... զթոյնս շարութեան ի մի վայր ժողովեալ»¹

Ելնելով այս դրույթից, Մադիստրոսն ու մյուս միջնադարյան հեղինակները նրանց մեղադրում են և մանիքեության և էպիկուրիզմի և պավիկյանության և մծղենության և բազմաթիվ այլ աղանդների ու փիլիսոփայական ուղղութիւնների պատկանելու համար:

Անշուշտ, Սմբատ Զարեհավանցին եկեղեցու դեմ մղած իր պայքարում ունենալով թեկուզ և պավիկյանների նման նախորդներ, չէր կարող փոխ չառնել նրանցից գաղափարական որոշ դրույթներ, ինչպես և չէր կարող չորդեգրել նրանց պայքարի մեթոդները: Իսկայն մեծ սխալ են գործում այն ուսումնասիրողները (իսկ այդպիսիք շատ են), որոնք աշխատում են նույնացնել թոնդրակեցիներին նրանց գաղափարական նախորդների հետ, և կամ մասնատելով նրանց ուսմունքը, արհեստականորեն աշխատում են անպատճառ գտնել դրանց ակունքները նախորդ դարերի հերձվածողական ու հերետիկոսական այնպիսի հոսանքների մեջ, որոնք լուրջովին չեն կապվում թոնդրակեցիության հետ:

Թոնդրակեցիները սոցիալական պայքարի դրոշ քարձրացրին 9—11-րդ դարերում ընդդեմ հայկական ֆեոդալիզմի և հայկական եկեղեցու, և այդ դրոշի վրա դրեցին այն սոցիալական պահանջներն ու գաղափարները, որոնք թելադրում էր ինքը՝ հայկական ժամանակակից հասարակութիւնը սոցիալ-տնտեսական իր սուր անհաշտելի բախումներով:

Թոնդրակեցիների գաղափարական դրույթները նախընթաց հերետիկոսական ուսմունքների համեմատությամբ որակապես նոր էին և թարմ:

Նրանք, ինչպես տե՛սանք, չէին ընդունում և հին, և նոր կտակարանները, այսինքն քրիստոնեության հիմնաքարերը:

Քրիստոսը նրանց համար մի սովորական մարդ էր, ծնված այնպես, ինչպէս ծնվում են բոլոր մարդիկ. նա ճշմարտութիւն էր քարոզում և ճշմարտության համար էլ զոհվեց տիրողների կողմից: Ուստի և քրիստոսներ են ճշմարտության բոլոր քարոզիչները: «Զգլխսւորն աղանդին իւրեանց զարշույթեանն յանդգնեալ Քրիստոս անուանէն»,² — դրում է թոնդրակեցիների մասին Գրիգոր Նարեկացին:

Նրանց աստվածը քրիստոնեական «հայր սուտվածը» չէ, որ գործում է իր որդու և սուրբ հոգու համագործակցությամբ: Զարեհավանցու քարոզած աստվածը սերն է, անսահման բարութիւնը:

Սարգս ստեղծվել է ունենալով գործելու անսահման լազատութիւն — ուստի պետք է խորտակվեն եկեղեցու ու պետության կողմից ստեղծված նրա գործունեության ազատութիւնը կաշկանդող շղթաները: Ամեն ոք կարող է ընտրել կյանքի ուղիղ ճանապարհը, ինչպես և հետևել եկեղեցուն ու իր կյանքին անցկացնել զարշառայալով, դառնալով չար ուժերի սպասավոր: Ծառայելու համար անսահման բարի աստծուն, որը սեր է, մարդս սլետք է դեմ դուրս դա տիրող սոցիալ-տնտեսական կարգերին և ստեղծի հավասարների

¹ Գր. Մ ա դ ի - տ ռ ո ս, էջ 160:

² Գրիգ. Քղթոց, էջ 498-502:

եղբայրական համայնքներ, որ բոլորը հավասար տնտեսական միջոցների և հավասար իրավունքների տեր են:

Սմբատ Զարեհավանցու, նրա բազմաթիվ հետևորդների քարոզած այս գաղափարները բացասումն էին այն ամենի, ինչ կար միջնադարյան կղերաֆեոդալական գաղափարների ազդեցության տակ գտնվող մարդկանց մտածողության մեջ: Բացասվում էին մարդու կեցության ֆեոդալական սկզբունքները և հռչակվում նոր՝ այն ժամանակվա համար պրոգրեսիվ ու ռևոլուցիոն սկզբունքներ:

Սմբատ Զարեհավանցին իր ռևոլուցիոն գաղափարների պրոպագանդան սկսում է Ապահունյաց գավառի Թոնդրակ¹ ավանում: Կարճ ժամանակում նա գտնում է բազմաթիվ հետևորդներ և գաղափարակիցներ: Զարեհավանցու ուսմունքի հետևորդներից շատերը ոչ թե դառնում են նրա պասիվ կողմնակիցները, այլև զարգացնելով ու լրացնելով գաղափարները, տարածում են այն հարևան նահանգներում ու գավառներում: Նրա եռանդուն, անվախ աշակերտների, բոլորին հասկանալի լեզվով ու ոճով կազմված, քարոզները ոտքի են հանում Հայաստանի քաղաքների շրջանների աշխատավորությանը՝ ընդդեմ եկեղեցու և եկեղեցական պաշտոնեություն, ընդդեմ վանքերի ու սրբատեղիների, հանուն նոր, արդարացի սոցիալ-տնտեսական հարաբերությունների:

Կարճ ժամանակամիջոցում դուրս գալով Հայաստանից՝ շարժումը տարածվում է նույն սոցիալ-տնտեսական հարաբերություններով ապրող Աղվանից (ներկայիս Ադրբեյջան) հասարակության մեջ, ինչպես Հայաստանում, այնպես էլ այստեղ շարժման դեմ պայքարողների շարքերում նշվում են Աղվանքի հոգևորականներն ու կաթողիկոսները:

Բարեբախտաբար սկզբնաղբյուրները պահել են Սմբատի ամենամերձավոր և ամենահեղինակավոր աշակերտներից մի քանիսի անունները: Դր. Մադիստրոսն այդ առթիվ դրում է.

«Ձանիծեալս Սմբատ եւ որ զկնի նորա այսոքիկ՝ Թոդրոս, Անանէս, Արքայ, Սարգիս, Կիւրեղ, Յեսու, այսոքիկ են, որ նորին աղանդով կացին աւելի քան ԶԺ. և Զ (170) ամ մինչև ցայս. անիծեալ զնոսա բոլոր Հայաստանեաց և Աղուանից յահանայապետացն, զգուշացուցին ոչ մերձենալ իսկ առ նոսա և ոչ ճաշակել և ոչ զրուցել և ոչ յարկս նոցա մտանել...»:

Դրանցից Կյուրեղը («անիծեալ առաջնորդն թոնդրակեցեաց») քարոզում էր, որ աստված ամենուր է և պաշտվում է բոլորի կողմից և որ իրենք նյութապաշտներ չեն, այլ աստվածապաշտներ: Հետևաբար և նա չէր ընդունում եկեղեցին, խաչը, պատկերներն ու եկեղեցական զգեստները, համարելով այդ բոլորը անիմաստ և կեղծիքի արդյունք:

Կյուրեղի հաջորդը, թոնդրակեցիների մի այլ առաջնորդ՝ Հովսեփը ժխտում էր պատարագը և «սնուտի յոյս» էր համարում եկեղեցական կարգն ու ձեռնադրությունը:²

¹ Թոնդրակ տեղանունը ստուգաբանում են կապելով Կողովիտի և Մազկուտն գավառների միջև գտնվող Թանդուրեկ լեռնանվան հետ, որը հայերեն «թոնդիր» բառի միջոցով բացատրվում է որպես «հրաբխային խառնարան»:

² Դր. Մադիստրոսի «Թղթեր»-ը էջ 154: Նույն անունները կրկնում է Մխ. Ապարանցին (տես Ալիշան, Հայապատում, էջ 330):

³ Մխ. Ապարանցի, նույն տեղում, էջ 330:

Այսպիսով կարճ ժամանակամիջոցում Սմբատ Ջարեհավանցու առաջավոր գաղափարները տարածվեցին Հայաստանի մաղմաթիվ (նույնիսկ հեռավոր) գավառներում ու նահանգներում, ներթափանցեցին հարևան երկրները Ադրբեջան, Վրաստան:¹ Արդեն 10-րդ դարից մենք ունենք վկայություններ, ու անժխտելի փաստեր Այրարատի, Սյունիքի, Հարքի, Վասաուրականի, Մանա-նաղիի և այլ գավառների, իսկ քաղաքներից հատկապես Խնուսի թոնդրակեցի-ների, նրանց գաղափարների ազդեցության տակ բռնկված գյուղացիական ելույթների: Ծվ ահա շարժումը դուրս գալով Թոնդրակի նեղ քարոզչական շրջանակներից, 10-րդ դարի սկզբին դառնում է մասսայական շարժում, որն ընդգրկում է աշխատավորական լայն խավերին:

Այս շրջանում շարժման մասնակիցներին այլևս չի բավարարում գաղա-փարների միայն տարածումը, կամ ինչպես ընդունված է ասել քարոզը: Շարժ-ման կողմնակիցներն ու մասնակիցները դիմում են արդեն գործնական քայ-լերի այդ գաղափարների իրականացման համար:

¹ Թոնդրակյան գաղափարների Վրաստանում տարածված լինելու մասին մեզ ուղ-ղակի տեղեկություններ չեն հասել, սակայն վրացերենում պահպանվել է թո (ն) դրակելի (թոնդրակեցի) բառը առանց քաջվելու չարություն անող իմաստով (տես Վ. Մելիքսեթ-յեկ, «Վրաց ազդյութները Հայաստանի և հայերի մասին», էջ 122) մի բան, որ արդյունք կարող է լինել Սմբատի գաղափարների Վրաստան ներթափանցելուն: